





蘄石齋詩集卷第二十七

秀水 錢載 坤一

小華陽歌

顧選復刪 七言十五刪

明代華亭高檢討磬山之石為筆山第八洞天覩髣髴羣仙  
門闕羣峯閒大茅最高屹南立中茅小茅西北環上館洞西  
大茅對中館下館尋松關東西楚王澗相隔合流洞水疑瑋  
潺積金峯小實磊砢龍池蜥蜴飛應還上洞下洞極艸蛙七  
八洞透兼升攀豈惟泉東崖若劈深入幾步窮源艱橫亘三  
寸高及半陽陰僅寸羅屏顏最高之陰白玉片晃朗鬢鬚心  
為閒數傳未落廣濟庫吳鎮非我圖猶慳試摩長史左紐檜  
采藥便踏秋苔斑

觀文待詔忍齋圖即用其題忍齋詩韻。



誰能九世同居室古有三緘是慎言圮上應從老人得淮陰  
豈見少年存營邱山負澗邊屋處土雲遮松下門我昨適逢  
京兆記也于懲窒一相論祝希哲書所作忍齋記嘗于別冊見之

倪文貞公畫冊歌七言三轉句八句一平二句

畫山非山水非水畫樹非樹石非石胸中有物不得消墨海  
鯨波隨戲劇制實制虛力籌策朝端祭酒俄掃迹廉隅砥礪  
應時須真氣滂流聞可惜我今見畫如見公世閒藤蘚哀其  
窮冊皆自題其一云石介已極木淡無過世閒藤蘚將若之何

題鍾安人繡詩圖

蔣公力貧養蓋自其少時那舉前後喪出用法家書商之切栖  
栖將五十始娶今安人如之切中復挈室行母嘗自教兒七十  
乃息遊風義晉人知方其歲十九梅花傳十詩巖阿命早受

煙火根頻移句有云移根避煙火受命在巖阿識成畢生迹志行多瓌奇安人篋

遺藁宛轉繡以絲絲記傳心心子孫規讀其祭夫文何

啻如寒梅莫惹切子昨官翰林奉母來京師還張舊所圖頭角

諸孫嬉仰瞻念爾祖迴式安人儀世閒重嘉樹不在開花枝

結實以甲坼生生理永貽母忘冰雪共歲有春風吹西江自

渺瀾西山自屣屣

題沈啓南桃花書屋圖圖于其弟繼南未亡前二年又三年乙未補題云桃花書屋吾家宅阿弟同居

四十年今日看花惟我在一場春夢淚痕邊

畫付東園阿弟初啟南松卷為德韞弟作云東園阿弟看落筆穠春那計卽華胥真成觀

裏來前度觀裏又來劉禹錫啟南落花句誰復山中伴隱居元玉挈舟歸里久太

邱扶杖說經餘愛其未老拈毫細花擁青峯竹遶廬題者陳孟賢徐有貞

陳爲陳五經子啟南少學焉而武功于成化乙未正冠帶閒住粗文細沈吳下語沈畫多粗筆是幅乃中年之入細者

十四年原作四十年恬齋嘗見是圖於餘姚諸氏告余云然已巳九月二十六日夜記今修板改四十年

五六未兒關入幸有第四句領起



題沈獅峯山水卷二首

仄徑都無賸客高松別有虛窻峯陰諸澗成瀑橋下一溪出

康熙壬午圖就恰六十年到今老矣我生戊子不緣居士關心

觀米南宮虹縣詩墨蹟

行書九十一字虹縣舊題快弄一天清  
淑氣健帆千里碧榆風滿船明月同書  
畫十里隋花窈窕中再題碧榆綠柳舊遊中華髮蒼顏未退翁天使殘年  
詞筆硯聖知小學是家風長安又到人徒老吾道何時定復東題柱扁舟  
真我矣竟無事業秦膚公後有大定十三年燕臺劉仲游景文跋云其從  
姑之夫天官侍郎田自兵火閒獲米蹟數軸廿餘年乃歸仲游此其一也

借古語寫今情昔之作者皆如是

江月江花書畫來汴隄新綠半如苔國尊小學人徒老心愁  
膚公首重迴快劍寧惟斫蒲葦清風適已向蓬萊茶甌啜罷  
頻伸展僥倖田劉幾劫灰

鄭遂昌小瀛洲記墨蹟

真書出左手小卷披高秋乃知我禾郡有水如瀛洲兵興在  
元末江表方遷流茅山沈道士焉能守元邱避地聽潮里海  
濱適偏幽鑿深曰瑤池竹屋華檻周扶桑朝激射象緯宵沉  
浮羣峯青玉案瀕洞橫南陬道士號秋洲名澗仙則修舊山  
白雲觀劫火空回眸癸卯季冬望壁飲文是畱令人思其處  
沙鳥多翎鷗

汎舟至慶豐廂

自住京華未汎舟吳儂聊習水鄉遊廂邊刻記曾燕石山下  
疏源尙白浮坐對岸蘆花欲雪行尋園菊藥方秋借人亭子  
傾吾榼祇覺風林不可畱

庭菊盛開諸君過飲有賦因寫墨花卷請各書之

題後一首

卷今歲於家



鄰園有菊發春苗乞取親栽百本饒詎藉竹扶將線紮自禁  
苔臥任風搖逸情遠性流塵辟老樹空庭眼界超幾夜微霜  
爭放瓣也知催我酒人招

坊巷非遙去復來笑顏已賺對花開津門縱少今年蟹菜市  
能賒臘月酷便趣寫生翻舊稿全憑詠物鬪新裁從容贏得  
同朝誼小卷雷看記此回

題紀侍御復亨滌硯圖

七言四支

元章癖硯又癖潔宿墨自滌人圖之君今所癖兩不染橫卷  
倩作將何為武康溪長三百曲流到君舍清漣漪讀書一硯  
磨若鐵歲晚欲黑王孫池嘗于湖州府治東訪趙文敏蹟過其墨池既官翰林改御史  
簪白詎獨工文詞協毗  
聖世暉執憲忍媿舊硯辛勤隨國家元氣眾培護言者尤審

蒼生宜澡躬洗心勉如此願硯亦曰無苟私西山泉脈城南  
陂敢倣我友臨煙涯螭坳幸從珥筆後祓濯頻遣陶泓知

題張編修坦荷淨納涼時圖

小榭冰盤待薦單衣羽扇停麾坐深柳影遮晚聽寂蟬聲曳  
遲泥莫能汗淨拭暑還自卻涼吹紅橋一曲憑寫何似三十  
平聲六陂

集顧侍御光旭齋酒罷觀王侍郎富春秋色卷二

首

詞家近賺酒邊春商略深更短拍頻著我特為先至客撩愁  
翻對欲歸人蔣編修莘翁請假將南此閒保社成來偶何日虛空畫得真  
不用圍爐添獸炭中庭起步月如銀  
麓臺石谷兩南宗畢竟何人是一峯釋子樓開曾墨瀋金剛



杵落又秋容侍郎嘗謂使筆當如金剛杵故家再世香廚闕卷為勵文恭寫生面今宵玉

臘八日雪集慕道齋賦

臘日沿季冬宋維十月八烹穀攪棗栗卻寒競甜滑高城雪  
宵飛老屋禽曉嘎快值粥之辰遂來塗我札麥苗溼齊生蝻  
子僵盡殺餓者免扶攜都亭散鳩鵲黃羊家供陞丹首市逢  
帕北闕耀穹窿西山平塊北觴巖燈欲炮牖靜竹頻夏春  
轉須二旬饗風正宜刮明年正月三日立春

查太守禮見貽其粵西石刻拓本詩以酬之七言轉本

七星巖訪棲霞寺巖上詩劉見君字我歸卻喜揚寄來久黏  
齋壁頻掃埃豈知今宵一束送又十數種皆瓊瓌麗江龍神  
福斯土作廟禱龍若風雨吾民襁褓士筮簣迺立書院于江

旁魯論富教國二柄守克端本方稱良君愛黃詩寶黃蹟宦

遊適屈黃所謫龍溪祠成索我題萬里箋傳楚南驛三碑今

在風義深況乎常愜探幽心行行橫雲篋前句渺渺受江亭

上吟古甑泉頭墨翻瀋清音洞口寒生瘁嵐光土龍英州洞名葩翠山

太淋漓遍拂苔花恣題品只今太守歸以憂十年志趣畱蠻

陬願君起得山水郡刻石寄我長偕遊人生莫負佳春秋

集蔣編修士銓壽護堂分賦得攝山

請假奉慈母卜居向秣陵此酒別情遣彼都勝蹟徵衆峯圍

窈窕一峯高峻嶒有草可攝生采之盍先登碧江下如帶海

日金焦升東嶺鑿千佛雲喬龕尚憑西巖沈徐題沈傳師徐松

密谿影澄中間石浮圖滿寺青霞凝春風

玉輅駐



天藻山靈承清森秘景發秀傑嘉名增紗帽峯 改名曰玉冠峯昔賢宅嘗  
捨邃谷言笑騰今君家乍遷近市雞犬仍出郭二十里寒驢  
爲我乘拓寄侍書墨使如偕訪僧南還實歆羨豈惟和氣蒸  
想像林壑美文翠搖窻燈

題蔣編修歸舟安穩圖

廟堂才不乏星鳳世皆覩館職壯盛纔如何去猶愈有母荷  
恩勤無家恐風雨乃卜傍鍾陵將爲始遷祖述德吳興郡避  
亂鉛山塢先公賦遠遊盡室嘗險阻獨子命更相陳情表更相爲命老  
懷指倭數故林少立錐新壘難畫虎在北亦晨昏維南尤水  
土不然素餐殮誰謂嗟杖杜俶裝托丹青首塗具篙舫安坐  
太夫人兒婦諸孫聚忠孝莫得兼紆迴蓋自古英英葵藿姿  
眷眷太陽午明當下潞河早便過淮浦天月一兩圓驛楊千

萬縷迢遙望所思髮髯啓爾宇嵐光照前楹江聲遶後圃籬  
短竹旋栽階靜蘭斯吐祠中滌豆登廚下雜罌甌內舍機九  
張外塾書四部身還親細事足豈入公府祇愁邱壟隔頻返  
松楸撫薄置太傅田詳作官師譜空言僕寤寐實際君規矩  
單舸判行藏百憂恬仰俯雖欣得萊衣終悵失鴻羽昔則佳  
士佳今其腐儒腐教授若干鄉報時非小補丈夫結束初頗  
各圖建樹

甲申

試燈詞八首

咬春過了便薰天排日看他勝事連糊取老人燈一盞鞠躬  
端爲賀豐年  
今朝特地兆豐年小雪按花夜景鮮說與姮娥教玉兔十分



準備打頭圓

戴儀部家春餅香卷簾來共少年嘗飄蕭髮耐慵騰醉倍惜  
燈光與月光

鳳城好景逐年增况近元宵喜氣憑藩服朝正行錫宴 御

園趁曉已張燈

燈光須與月光逢後夜雲光定不濃願雜小兒敲畫鼓太平

聲只報蓼蓼

冰獅汲水凍當街火判臨風亦復佳總遣蠶桑真百倍來朝

未害續齊諧

新燈那必舊燈同新句難如舊句工可可糟牀酒新醉大家

堅坐及春風

靜巷幽坊佇玉輪驪驢躩蹀憶香塵走橋百病能消卻催促

三三五五人

董大司空齋觀米敷文海嶽菴圖

七言六轉每轉皆韻

米老東岡京口居翟公出郭題詩初元暉今但憶其半畫就  
別幅跋且書亦知天地猶人寰東岡所見之江山白紙是雲  
山是墨羣峭無石江無灣雲連雲斷峯合分接空水氣皆如  
雲令人見墨不見筆透背隱現曾無紋屋處一角海嶽菴瓜  
步北岸望者南舊遊苔磴近可歷何日酒榼重相擔米老宅  
圖自畫嘗菴西巖高曰朝陽竹風梧露極天趣中有堂曰早  
來堂後書菴賦并五詩此卷安在夢想之銘心尚許探鴻寶  
卽事真憐繼虎兒

次韻寄答德州沈倅天基去年畱別之作二首

萬里歸來有鬢華二秋京國對霜葩不辭渤海還為吏也勝



群荆更挈家  
小橋深巷昔相過  
辛苦蟲皆食  
蓼何容易  
尊前成破涕  
江園舊雨已無多

三月癸丑

上親祭

歷代帝王廟陪祀恭紀

章皇禮初秩

仁廟典加隆

先帝鑾臨屢茲辰  
爵獻同

順治十四年正月定

親祭

歷代帝王儀二

十年

詔增定

歷代帝王祀典六十年十二月始增定雍正二年三月丁丑

世祖章皇帝始

親祭康熙六

凡五行

世宗憲皇帝親祭暨三年九月丙午四年二月辛卯五年二月丁酉七年二月壬午

上乾隆三年九月乙

親行

卯九年二月已巳皆

魏

我

方

躬鑒古心惟貫乘乾德愈充  
匡平聆曉奏神具悅東風

○查太守禮招同曹參議秀先楊中允述曾申光祿

甫饒編修學曙許農部道基蔣編修士銓吳吉士

省欽汪舍人孟銷趙舍人文哲接葉亭看丁香花

分韻得落字

七言十藥

彌旬不見君出郭遠宦歸鄉寒食作絲來上塚拜青山草露  
松煙卻關樂繡陌生埃鞭馬轉丁香啓院繁花著冷過二月  
春趨催枉擲千林好耐萼綠痕亂染成堆石斜景低籠欲乳  
鵲酒困連朝君不知亭前遂以羣公約碎玉圓璣翻葉嫩紫  
雲白雪擎條弱荒荒粵嶠一樹無冉冉燕臺十年各麝氣霏  
微半霑惹風心駘宕多真錯未能容易共闌干只合畱人看  
到落誰更郊園雜芳賞吾將墨繪餘情托剪燈直得一情騰  
明日街頭賣紅藥

同韵法



低徊流連風神掩映句法亦多可學

一結未安

程舍人晉芳招同劉學士星煒朱編修筠曹編修  
仁虎汪舍人孟錡家學士大昕飲紫藤花下分韻  
得紫字 七言四低

立夏已近風信闌老藤含苞還坼藥我無一架晴壓檐君有  
百壺宿擔市嬾癖衰衷適先造蕭齋止復關名理像懸初祖  
袈裝紅花覆中庭瓔珞紫輕雲度天不漏印蜂蝶去來人坐  
起透鼻繁香斜卷幔當頭密影平鋪几玉山可頽春倍惜勸  
醉未覺流光駛但息塵蹤自冷噎便飛雨點何噴喜卻憶童  
時村圃曉高榆婁絡飄新綺看穿白練擁煙叢攀雜黃薔翻  
露水臭味原於野人合豆苗菜莢聞都似放梢鄰筍儻笑余  
京洛尊前鬢絲繁况對佳辰懷淡漠難及羣賢詞旖旎花陰  
且要月同眠月上定應花曰唯

題文君印

七言三韻一四三四

每恨卓女曾好音後來乃賦白頭吟奩具今傳厥私印赤銅  
龜紐方半寸未知用此定何為錦裏猶憐土花嫩相如之名  
慕相如卓女卓女誰慕諸世無同名鼎豈膺摩娑可奈落花  
餘

朱編修筠招同人過給孤寺東呂家看紫藤花歸  
飲其宅限三字賦長歌 七言十三章

震雷驟雨昨竟日曉望不得行趨趨但滋五穀近畿足儘飄  
萬萼奔渠淦所期終想紫垂架泥滿鞞鞞何以堪須臾日氣  
破雲氣次第巷北投巷南清清無聲古堂一鬱鬱有陰老本  
三東西雙立大于樹臥者蟠屈身生薄青旻歲現寶瓔珞凡  
幾小劫鄰瞿曇蔓延散走正磅礴粉墜溼漬猶醜醜未來頻

此勝紫字篇



訊市中隱將去復臨石下潭躊躇乃當把君瓊顧笑覺太今朝  
朝慙明燈已張影還聚吾徒申誠如醴甘莊則不親狎則簡  
赤以染朱青以藍靜思 帝里人舊植先數吏部廳曾探海  
波寺傍亦彷彿竹垞屋處餘甃甃呂家謂真元代物大德題  
字年誰諳替花爛漫索新句屏後又坼黃磁壘

○觀李伯時畫驪山老母與李筌論陰符秘文紈扇

高宗小楷書陰符經于後幅

七言三轉各四句

杖扶右手鶴髮鬆左顧指與人鞠躬微焰樹根俄燁小茂陰  
煙裏本龍葱伯時舊物儲行在紈素團團分面背妙絕鍾絲  
隸畫傳數行未讀爲心慨峒峒一德方格天孰是將然孰未  
然鳳皇山翠濃于畫泚水無聲落照邊

○趙希遠荷亭煙柳紈扇

高宗題詞後幅云雲霄道暑洗回塘荷花積漸芳柳陰一帶遠宮牆春銀過柳

旁風力遠日痕長窗中絲與簾不妨佳句滿殘陽閒心轉更涼

七言三轉各四句

憐絕扇紈如月大銀塘一曲牆一帶碧籠絲縷柳成煙粉點  
隻雙鷺穿露塘下藕花花上欄欄中人坐對吹彈花風將晚  
晚逾靜人意自涼涼未寒況于德壽邀佳句書就雲霄曾進  
御分明南渡幾何時約略西泠不知處

錫壽堂燕席作四首

同徵劉相國繩菴陳通政句山申光祿笏山楊中允岷山暨載集王太守礪齋宅

仁廟平海寓制科雅化覃

憲廟光盛軌舉士 詔至三我

皇初元啓復 詔幽遐探羣材集 闕下劉公來江南褒然

試第一政府于今參 武成錫宴後萬國彌樂耽從容叶佩

玉小大端朝簷槐陰靜首夏雲色濃西嵐庶幾式懇款庖潔

醴且甘



徵車遍諸路先後舉者一百六十七人滿洲五漢軍二直隸三奉天一江蘇七十八

五山東四山西二廣東六膺選十九人只今數上聲偕進朝則銀臺

陳豈無歸田儔遠在江湖濱況乃還山侶寂寞半以淪其閒

甲乙科先後相拖紳崇霄信翔羽廣陂樂萃鱗文章竝特達

事業難等倫奈何星再周落落還向晨賤子晚通籍鬢華強

當春迴憶公車錄眷然陪茲辰

光祿舉布衣既而孝廉仕中允第二人相國同州里科名與

官職我寧屑屑齒入座惟數公纏絲能不爾廷尉適養癯掩

關詢初起參議叔耗聞樂歌方輟耳敘王曹兩公之未至盍簪非屢占顧

且睽尺咫何以永今宵華鐙照階吧

已未五十人曰惟文恭相城南此舊堂老樹鬱檐向賢孫為

大郡繼迹歲在壯矧看子又才兄弟早蓬閣紫藤架乍緣紅

藥闌齊傍撫景邁良時聆譚挹嘉祝緬自

祖宗朝迨今逾醞釀羣公邁曩哲賤子勉微尚從來臭味親

亦可周旋曠穹壤百齡俱因之起高望

題王農部昶三泖漁莊圖

君家泖上青九峯我家澈上峯還重老漁風與老樵雪誰合

輸君誰讓農

前湖觀荷

鑿沼工兼賑栽蓮淺更深十分花澹竚一角葉涼森倒影遙

山浸澄輝碧宇臨因瞻

宸什好傍柳動微吟

為韋編修謙恆題其先教諭鐵夫授經圖

經濟端由儒者出儒家六經天下術韋公經業信已傳嘗作

劉文定有鐵夫墓銘

七言四轉一四句三句  
三又四句四又六句



儒官時少匹泗州爲壑賦夙蠲半淤半涸中有田潼安設衛  
征莫析丈量 詔下雍正年儒官襄役條厥議淤者涸者無  
蒙焉大吏以聞衛斯撤州賦得減踰七千捕蝗賑饑況多效  
博士非惟掌經教先生自卻暮夜金早有生徒化而孝百雖  
一試心未寧網羅衆家雙鬢星丹鉛寂寥托畫本尙望能讀  
人趨庭自捐館後二十歲賢子對策升青真豈誠蒙福天可  
信興寐無忝韋公經

。送徐太守良之任夔州二首。

粵西佐郡幾年餘垂橐朝京日駕驢此去又爲賢太守相看  
原是老中書許身慣越山川險報國頻添鬢髮疎荆楚上游  
全蜀口耆民扶杖望旄旗  
名紙烏絲畫作闌顏家非僅祿能干乞君爲寫先公疏贈我

教畱後代看灑灑瞿塘饒斷石素書雙鯉有加餐政成莫待  
懸車候秋月尊鄉共釣竿

。古意四首

瑣窻對鸞鏡窻口花枝春鏡非天上月儂是月中人  
銅爐仿博山瓷罐閤牙香貴使熏籠下一甌先置湯  
錦官元在城濯錦卽名江自然新織成正正可無雙  
有情春自好亦復向人前繡鴛花落地團扇蝶飛天

題祝京兆吳郡沈氏良惠堂銘拓本

柏梁八庚通

沈之諸孫演乞銘銘而能書得允明演先太醫立其名明仁  
宗朝仕稍亭上溯德輝彥才瑛元醫學官遞有聲堂褒御書  
宋思陵曰良曰惠方伎成被賜者名湮莫徵家吳從遷自汴  
京未南渡日沈已榮良醫之惠德實宏遠孫乃有中書君

居卿切

四首至今不得其解不知何人可以就



思陵蹟失祝刻憑石又失惟墨本清乾隆歲裝矢厥誠我醫  
我儒寶我真沈之後賢其克繩我詩亦銘母再更

。張給諫馨編修坦邀同諸君郊遊

族將車馬出南城淺潦高騰喚步行村色歲豐多喜樂人家  
秋晚少經營堆盤近採新蔬嫩鋪席頻依密樹清薄醉皆言  
今日好賴君興發弟隨兄

次韻金詹事入府丁祭畢與諸公飲福之作

儒臣禮意兩衙存釋褐端由太學門

翰林院詹事府皆立至聖廟春秋祭

幸以宮

僚合坊局

左右春坊司經局之堂久圯坊局官上任及鑽印借坐詹事府之主簿錄事兩廳齋宿輒聚府解茲丁祭日俱詣府行禮

減于牛

俎供羔豚俸錢率出非年例

府坊局有視學者雷俸充公則不釀金以祭

祭肉叨陪是

主恩老狀元今老詹事憑將舊話後來論

為陶太守其悾題其先祖內翰成歸去來館圖

靖節先生栗里村匡廬山色到柴門塵中孰與膺高士畫裏

今知踵遠孫

內翰為靖節三十八世孫

返服全家遺井竈養親半世樂田園

況于講學傳醇行合著流風起後昆

王祠部顯曾邀出右安門看秋色先夕得句

禮部官田歲有秋聞君租穀為徵收掃塵野廟居相借延爽  
豐臺日是謀翻向郭中呼酒伴甚於吳下作花遊菊黃壓擔  
都趨市恐即盈籬半蕊頭

。訪菊

城中嬾癖何須解野外秋英且欲看疎密分畦無草亂淺深  
汲甕不泉乾高風老樹吹還綠薄日遙山照已寒村叟得錢  
憑拗取數枝香氣帶歸鞍

。題藥根上人江干送行圖。

似失一字

曲折與行如石  
似破瘦透

第六句應前  
步行



飄然何事向西東猶說南來送別風家近佛狸潮舊碧堂開  
牛首樹今紅勸君七祖禪應叩笑我三湘勝未窮岳頂壽藤  
親所劇試將扶入白雲中

飲商太守盤於聽雨樓

元年初見在京師姑孰還題竹扇貽觀化本來流水似論心  
今有故人知昨語次及胡三稚威王五受銘萬一循初遺稿高樓且求紅燈夕老守先翻白  
雪詞酒氣生春裘旋脫任他簷外月娥窺

哀女孫善安

兄已七齡萎迢遙弱妹隨一年嬰此疾百藥問誰醫我子南  
行乍家山夕夢遲傷心願歸骨汝產在京師

擇石齋詩集卷第二十七

擇石齋詩集卷第二十八

秀水 錢載 坤一

乙酉

。王祠部攜示夏太常蒼筠泉石卷

青翠紛敷逸態生多君惠我眼雙明定然放籟追王綬可又  
添梢服處誠落澗紆迴石稜瘦連坡掩映草叢清想當棊几  
觀徵士蕭散殊快在野情戴凱之竹譜條暢紛敷青翠森蕭卷為林徵士文理寫

上元日箭亭侍宴

上辛禮協上元辰昨進春牛乍立春旋

蹕青郊陽氣達疏筵曉禁寵光新八旗創業中和播  
萬壽勤家喜起陳皆識尊親有同樂廣霑蒙古及回人

三月四日展上已集陶然亭

五木歲典江南鄉試

覃翁能解上辛句意即不以乍為刺  
字矣



今歲耆耄言稀值閏仲春春芳乃逾百自宜展蘭辰南國樂  
上已

大駕舉四巡 鴻文耀江山惠澤徧民人望曉霽都城戒宿  
合朝紳從容亦有酒爽塏殊無塵情方重少長禮不在主賓  
豈惟嘉節補庶用清陂臻青蘆出水短綠槐覆亭新山光遶  
堞遠鳥聲下檐頻接席十數輩職多奉絲綸迎 鑾歲 名  
試吳越才邁倫子唱我則酬各以古義陳我起君復畱彌見  
玉笋醇一欄紅錦花采摘聊相親

觀林和靖二帖墨蹟曾爲沈啓南所藏 七言三轉每四句

雙緘瘦硬誰得之聶衛公帥西蜀時謝升孫跋在元統旣歸  
於沈跋復詩盡借坡翁山滌韻吳 寬李東陽 陳 頎 張 淵 半同  
郡先生書自梅格清諸蹟差肩各投分篋墩拗律亦鏗鏘此

日孤山有竹庄相城雪後絲絲碧擬薦寒泉一瓊香

。趙仲穆雲松仙館

云有五茸士棄家著黃冠仙居寡所向琴罷復自彈風神何  
邁爽庶見凌霄翰樵李值趙公徵圖如所安數峯秋碧峙一  
凹白雲漫屋邊絳葉林籬下紫莖蘭爐香靜初放詩侶來亦  
歡獨鶴侍前除薄陰生晚寒

原心亭齋宿

謬竊文章重恭陪祭祀馨槐陰清孟夏夜色靜頭廳玉砌行  
還坐紗幮夢亦醒有懷殊未已耿耿見窗星

。趙北口

蒲草青青際風帆半以徐橋陰爲午飯淀裏得秋魚意氣長  
鞭及功名短髮梳海東鷗鳥夢又覺十年虛



景州次韻答李少司空宗文夜雨見簡  
連日征衫風灑然還停高館夕陰邊最宜滴滴聞疎雨未免  
齟齬得好眠秋在黍梁蟲語靜路無塵土馬蹄前與君瀛鄭  
南來夢已似江城八月天

重謁孟子廟

冠帶雞鳴心仰止泰山巖巖道高美門庭趨闕十九年愛惜  
階苔歷雙履松陰之井清可鑿手汲井華甌自汎舊傳白晝  
地出雷孟里重開古坎陷沉思孔母井在尼山東顏氏井在  
陋巷南曾氏井在徐州北改邑不改非虛譚襄裳廟口望嶧  
山蒼翠欲滴烝秋嵐

宿州曉行

淡月淡如此涼風涼漸深蟲鳴豆畦急馬步柳隄森灘水一

畱夢相山多賞心菴裏他日遂莫漫鬢毛侵

紅心驛奉寄太傅公二首

汗漫曾隨使豫章皇華今幸也秋光卅三驛過思公切十九  
年來望我長自第一程固節驛至此皆丁卯隨公江西之路小館卸衣仍雨後明朝分路向

滁陽里居晉秩

君恩重賢子新歸築養堂

賜杖圖形八十翁萬端常在一心中若論上世多陰德何以  
諸郎有父風老柳身邊班馬戀清淮口處鯉魚通潔蠲已待  
祈江濱培覆真難答化工載齋三日將禱于江

輿丁採山花

趁曉筍輿來滁山紅翠開一莖持乍贈幾種顧頻迴露溼家  
家似秋涼段段催鬢絲簪可滿合讓路人哈公詩屢用簪花語是古人事



清流關

廣寧門外二千程齊魯河淮坦迤行突據岡巒高壘險全收  
吳楚大江橫南唐入宋沿州堞西日迴風度使旌老我重題  
秣陵柳不知猶似昔年情

遊醉翁亭

瑯琊西谷晚相尋香火禪人自一林泉上醉翁應動操山前  
荷蕢或知心盆安大石皴苔色庭臥枯梅遶竹陰不是文章  
兼政事孰能遺愛到于今

江浦見收早稻四首

昨日見稻田今朝見割稻江國別十年那能不言好  
曬稻復打稻心歡忙亦閒黃鋪萬頃田碧映一圍山  
掃穀復礪穀老翁樹下看牽礪布裙女赤腳轉團團

篩米復淘米滿家香醇醇今朝是七月明朝是八月

試院登樓

城靜夜江香山低秋月寒六朝人物地惆悵一憑欄

重謁明孝陵

朝陽東出遍秋苔天闕南瞻夕翠開躑躅獨龍岡下馬蒼茫  
二十九年來寶城享殿猶樵禁

聖祖

神孫幾酌杯自是

本朝鴻澤至軍都諸寢總無推

阜城晚行

冬柳黃于菊鹹畦白似霜棉花大車捆煙葉獨輪裝村遠聲  
多靜人歸意不忙江淮達 畿甸可愛是豐穰

前半蒼涼悲壯老氣橫秋後半  
頌揚  
本朝威德之事足以一洗故陵衰  
颯之氣  
第六句更見我  
朝忠厚開基垂為家法七字中該  
括  
南巡煌煌盛典可謂巨筆如山  
顧評三條擬入詩匯



丙戌

乾隆三十一年正月

詔湖廣江西浙江江蘇安徽河南山東分年免漕一年羣臣

具表赴 圓明園謝

恩恭紀

聖祖深仁六十年半週甲子賦曾獨

孝思繼序三階正 愷澤加民七省連 苑簇華燈將設饗

春烘凍木已含煙上辛況賴

躬祈福萬國豐亨卜稼田

遊摩訶菴慈壽寺。

阜城門西八里莊早春閑客來絲鞭搶鈴空憶薦冥社墳院  
尚看連貴瑞吟處樹無千杏纈殿頭花是九蓮香老僧供茗

二字未安

拓新牖坐愛好山多夕陽

。上元夜題文信國公鮑氏譜像跋墨蹟

九行八十六明珠月淡燈寒寶燄敷鮑氏譜嘗先像列吉州

名亦弱豪濡厄匪幸不家人拭公與百五妹詩帖王積翁藏之行草煩

將祖石摹試較後來忠肅冊千春皆是聖賢徒載藏有公鄉後學

牘一冊流寇陷明都忠肅殉節于信國

上祭

社稷壇侍直恭紀

北牖惟南向陰祇竝穀元為民申

九拜以配侑三尊

聖協中和氣天覃雨露恩屢豐占所受蒼靄起郊村

奉和總裁尹相國用聚奎堂壁閒韻相國姓衣爾根覺羅



夫生於情愴馬欲涕

。

三十年餘令望深得陪檢校及春臨固知此等字皆隨手而入上意崇經術久待公來式士林聲倡鳳鸞諧律呂氣分珠玉鑒淵沈總持直倚能虛受兩侍郎教共一心猶有典型

。會經堂感舊二首

前首為蔣文恪公介少宗伯公後首專屬介公公姓攸察丑補注

草色槐陰立步欄庚年丁歲數上聲經籤朱衣座主春都換白髮門生老更添一掬淚憑天上達兩行燭記夜深瞻撩人祇覺東風太冷雨迷濛卻下簾

神仙官府總安居壺嶠蓬萊路有餘陸氏一莊今已甚卜生雙足昔何如淺深淺覆焉能醉長短箋開且欲書明月黃昏照無寐重城應遣夢來虛

。憶瀛洲亭丁香

花開準擬賞瓊卮南省春深奈負期此際煙籠亭外影幾回

寫憶字極靜細無一句是丁香無一句不是丁香當於神韻間求之

雪墜檻前枝藍濡禿管吟還就香糝生綃畫已遲祝向團圓好明月今宵直為照方池

。南陵辭

南陵葉時昂聘李女十三殤女與時昂本是同年生六年苦心女歸歸以貞乙酉五月之日一拜昂墓淚如血淚如血七月十二病五日不食不藥死也烈嗚呼南陵葉家村村前三里方家山李女合葬于其闕

來鶴堂詩為傅鴻臚為詩賦

元冬修夜起將朝藻質清音下遠颺燈火光紛猶似舞軒墀地迴不煩招在陰易既觀其象于野詩應樂且謠接翼鸞凰深被遇迴思江海本凌霄

。韓烈婦并序

韓烈婦并序

六



濰縣李氏女諸生夢齡妾夢齡歿於乾隆二十九年七月李  
所生一子一女殤十二月十日自經殉年二十有五  
君歿月初霜妾生雛旋殤承家原有嫡畢命遂于梁誰謂小  
妻賤恥如穠李芳清魂飄凍雨路不下泉長

凍雨不知所本

奉簡祝大典籍維詰四首

羨君七十試南省一子兩甥偕外孫詩且催題憑介壽榜猶  
待放適開樽天惟五福莫難此人本同心嘗與言祇欠入簾  
供所職未先擔榼賀于門

我今何以壽先生休矣并他榜上名累舉佳兒雖未第臚傳  
快婿已皆榮外孫踵起尤無匹內閣班資既有聲歸去不如  
聽杜宇西城新綠舊軒楹  
山憶梅花徑憶蘭溪浮菡萏繞琅玕我歸未定偏君勸佛語

曾參又夢觀滿注酒杯隨地覆細刪詩藁及時刊太平勳業

中朝盛一笑何妨骨相寒

老與比年差點檢自銘藤杖縛葫蘆還憐古鏡堪相照

載近得漢仙人

不老未審先生有是夫丙舍田懷太傅謝王官壙仿司空圖

扁舟澈上作新社不用人歌山鷓鴣

君舊業龍山去我激浦之永安湖數十里雍正辛亥上巳偕遊曾願

卜鄰咏花鶯坐水楊柳雪藕人歌山鷓鴣元人汎永安湖句

。觀周益公所藏歐陽文忠公墨蹟譜圖序一段夜

宿中書東閣詩一首并中書所錄裕陵出閣指揮

兩行

東都相去百餘春寶愛非徒是邑人乾墨尖毫方潤體清骨  
豐頰進趨身鈴來益國章如昨數到潛溪跋盡真有幾文忠  
足輝映暫教披拂市門塵



上祭

地于

方澤侍直恭紀

國北曉和鸞黃琮禮數安

祖

宗三獻配岳瀆萬心歡職石瞻惟

聖趨西格在壇陰陽初辨候原外露微溥

題吳編修以鎮秋林對奕圖

三歲金門侶別來十二春寒裳難縮地讀書卻逢人物外忘

憂易林中坐隱真黃山太無賴不遣夢緇塵

題邵侍讀嗣宗收綸圖即送假歸大倉四首

若為道德竿若為仁義餌嘗聞諸淮南老矣思其次

直鉤又空鉤曠觀世所因自我與君遊亦不縱飛綸

沈疇蹲會稽負鼈據滄溟彼亦漫云醉此亦漫云醒

歸歸釣鱸魚小艇信所如三江紅葉外百里青峯疎

宋謝文節公橋亭卜卦硯歌

并序長短句五轉後段九字六句

硯長尺一寸濶六寸額篆橋亭卜卦硯五字左右邊兩行草

書云此石吾友也不食而堅語有之人心如石不如石堅誰

似當年採薇不食守義賢也轉背左題程文海銘右題大明

永樂丙申七月洪水去橋亭易為先生祠扣地得之閩後學

趙元口中題宋謝侍郎硯天津周上舍月東購得此而太平

守查恂叔心愛之月東臨歿遺書萬里以贈今藏恂叔所

查君夙愛周君硯周君遠為查君寄薊北畸人抱硯亡粵西



老守奉書至吾儕嗜古非偶然物關節義情尤關歙州不少  
石徑尺傲倖渠曾親疊山建陽縣外朝天橋先生開卦名此  
逃橋下醜流大溪瞰橋上架屋長風飄此時此石曷足貴磨  
墨且畫陰陽爻遺民江表多罹悔延訪誰其辱相待卻聘書  
憑宇內傳憫忠寺尚城南在此石此時良足悲作銘乃屬程  
文海不知先生之北硯可從不然閩疆幾日還孤蹤不然橋  
亭水後易祠處何復一鋤劇出苔花濃秋燈今宵照我題此  
硯也勝李東谷與米南宮

紀侍御復亨查太守禮程舍人晉芳畢侍講沅曹

編修文壇家學士大昕集小齋分韻

寒暑逾可懷繾綣及夜長檐明霰已集颺定鴻猶翔君子幸  
來至疎燈接冠裳深譚有勸酬不在多樂方瀛寰荷道泰畿

旬邀年康諒惟黍稷富迺以尊罍香悠悠旣荏苒碌碌徒徬  
徨好而能勗我嘉會後且常

題吳秋部巖飛雲洞圖卽和其自題用王文成公

華嚴洞韻

石出如雲雲覆臺遠摹真本使黔來千尋瀑挂起蒼壁萬片  
嵐烝生渴苔佛閣高憑樹杪見秋英細傍筇枝開勞君五洞  
歷探徧分取前賢句子回

洞凡五飛雲大風琵琶  
半珠華嚴而飛雲最奇

端範堂齋宿

歷職經三至迴思別二年庭中僵立柏燭下澹生煙農旣豐  
登穀

皇惟大報

天寸心無所矢敢不藉精專



趙編修翼山守鎮安屬題其所謂鷗北耘菘圖卽以送別

春畦鉏菜者金馬久翱翔蒙恩秩二千舊業逾不忘人情貴  
思本厥德恢無疆今宵飲君酒照壁此燭光國家重廉吏實  
望氓庶康山川自縣巨庭戶非阻長我慳明珠佩又乏寶劍  
裝裴裒沙鳥心何以贈子行

撰石齋詩集卷第二十八

撰石齋詩集卷第二十九

秀水 錢載 坤一

丁亥

○○○一 硯歌 并序 七言八轉

竹垞先生玉帶生歌頗近俳諧此詩莊重不佻如與端人正士晤對一堂

六十歲

文信國玉帶生硯在內城攜謝文節橋亭卜卦硯訪之竝陳于几而作歌

昨見文節橋亭硯卻思玉帶生未見悠悠人海人豈知豈知信國硯在斯二公英靈亘天壤相友相於日來往二硯相望五百年嘉會之禮無因緣得邀謝硯訪文硯是有鬼神非偶然文山硯左疊山右端州洵堅歛不後

此几此几逢今辰此堂此堂記春晝炷香敬為雙忠悲再拜恭惟兩丈壽丹心詩未題零丁伯顏兵未趨阜亭公方性豪

張思廉抱遺老人玉帶生歌背銘刻骨四十四血錄至今猶可想自注文山硯銘丹山小篆四十四字云紫之衣兮絲玉之帶兮歎中之藏兮淵外之澤兮日宣為乎磨爾心之堅兮壽吾文之傳兮廬陵文天祥題

此是刻誤非與竹垞為難



厚奉已硯亦務寡稀勞形信國硯銘雖未紀歲月要是在平居勤王之前轉茶坂頭初旅食  
建陽市上罕交識公祇麻衣哭向東硯應顰面愁占北何榮  
何悴貞節同見二硯不見二公墨而揚銘即鐘鼎匣而分手  
仍萍蓬堂閒几淨意繾綣一片清氣畱虛空總不在說

上視祭

社稷 祝版于 中和殿侍直恭紀

闕右竝

親行正辭據

聖情仲春祈以禮吉戊撰于誠啓殿朝光靜升階暖氣盈同  
瞻

拜興意如課萬方耕

趙子固東坡笠屐圖硯歌

七言八庚

夔齋居士巨硯琢背寫坡仙鬢鬢清藏者遞傳印各刻俞和  
濟之及文彭康熙丁亥王澍得船泊奔牛雙眼明積書巖空  
又流轉昨歲在粵今在京去冬丙戌廣東學使翁侍讀見此硯于試院作歌寄示硯乎彈指易  
周甲感我觀者戊子生從初夔齋亦何取戴笠著屐長身行  
宋家絹本態迴別少一拄杖衣飄紫邑犬婦人小兒雜雨狂  
路滑笑吠爭軍使張中識其趣秀才符老嗟此情我不慕蘇  
卻為趙白頭藉發春風聲不問何題總帶韻說

靜宜園曉直

堯臺舜館藹朝陽邃谷修林擁太行東面昆湖圓鏡朗前臨  
寶塢玉峯長

聖情日暇流鴻藻 畿甸春多攬遠芳青瑣已聞傳劄子華  
裾猶自帶星光此句自字作何義用之



重至臥佛寺後院娑羅樹下題

昔來秋葉滿庭濃今見春枝有悴容佛樹此山推古德與君  
須更幾回逢

北方初惟寺之一株今大可三人合抱而頂已枯摧又前庭四株又潭柘寺一株皆其後生

梵隆十六羅漢渡水圖

長短句三轉參差

東岸地盡指西岸西岸登者卻東瞻中間厲深亦揭淺脚跟

牢者波紋泚招者倚者打包者杖者扶者笑言且從者挈擔

平聲續續行風聲夾雜淅淅瀉瀉已渡者無喜未渡者無嘆皆

得渡者見至人是為十六之應真畫者吳興菁山僧盧楞伽

歟貫休倫卻憶前時逢六尊卻憶前時禮

聖因 甲申觀盧楞伽六尊者殘冊丙寅觀貫休尊者十六幅于西湖 聖因寺

趙仲穆為楊元誠畫竹西草亭圖

七言七轉參差中兩用舊句

行省掾屬有楊瑀吳繹寫像倪瓚補樹石之後諸公題敦交

此王荆公詩也文字誤  
公屢稱介甫為荆文以國名及蓋合之而無  
公字此亦同耳

瑀也名流伍其家浦東今張溪種千竿竹于林西翠玉蕭蕭

屋在東主人號作竹西翁

二語即用元誠自題句

竹閒築亭匾斯揭此時

二月多春風春風誤寫趙仲穆

仲穆借王荆文鍾山即事題云籬水涓涓

下有溪淙隈澳二甲進士李黼榜鐵崖道人題復賞貞居曲

日一鳥不鳴山更幽首句王集是湖水無聲遠竹流也

兩樹長松一坡竹亭中有人靜槃礴亭

江暨南村物外十輩聞清言我今展圖向塵沙安得問爾之

東家熏風滿簟吹蒼雪春雨充庖盡玉芽

一語又即用題者馬文璧句

追哭祝典籍四首

并序

去秋豫堂之歿 哭之而不欲以詩也靈櫬歸海寧未克葬

當春黯傷遂雜然寫之竝將與康古誦之

科名官職本皆虛休矣先生術未疎各各傳家詩禮學勤勤

立命聖賢書原知到後歸無用豈悔從前恐不如何處夜臺



應聽我隔來猶欠半年餘

澎湖朱大

偶圖

質居年張

篁園

祝陳

乳巢

王受銘

大小錢

從

曉村

菊候清霜

梅候月南軒

薄醉北軒眠

淨生自古難

長此

殘夢于今

寶渺然怨絕

篁園歸里後

尺書竟不

薊門傳

分明懊惱

那能言風雨

何知此冷暄

花落花開誰

錯誤年來

年去亦叢煩

負君秋館燈

無焰愧我春

衣淚有痕幸

是孝廉

真孝子一邱

早晚上高原

蘭摧汪二杏

何之

君甥豐玉

玉折陳郎

又幾時

陳丈乳巢

大化慣

于才士

酷明經

俄以客魂悲

希聲豐玉弟君歿希聲

羽擔上山桃

漫吐麩且拉

舍人芳草

地相濡相

响付深卮

為治木踰月亦病歿

郟文莊公

温硯歌

前八後平各十六句

錫山安氏

製爐善火

下水上可温

硯二泉

先生嘗得之

左右

歲寒銘獨眷

銘曰暑有藏冰寒有韞火既濟且和燮理在我彼鼎我硯制殊義

生名起嘉靖

閒終養乞身

居在縣別于

南郭仿龜山

始是東

林有書院門

人華雲凡幾

輩硯或其時

相後先熾來

紫煙炙向風

牕卻銀霰形

方而楸橫尺

強二百春秋

閱如傳

聽松菴裏今

復歸點易臺

前我未見我

思弓河城之

東曰又

高顧相希蹤

龜山舊觀頓

還爾東林微

尙將無同奈

何奈何

名竊附幾社

復社言交訂

硯兮此日返

故處能不迴

憶當年

公公家香菴

卽聽松硯今

靜覆菴松濃

松根石泉泉

第二松

頂雲山山九

龍竹爐煮茶

甌正碧銅爐

置硯灰自紅

梅花萬

樹雪三尺我

欲從之過大

冬

○錢舜舉洪崖先生移居圖

柏梁七虞

西山石壁聞

洪都洪崖移

居刻作圖雪

溪翁今別本

摹馮海

微尚字未喻豈為高顧謙詞耶



栗歌讀可娛先生長身頰多須編襪葛衫帽色烏束帶著韉  
行且徒先生新卜廬何區僬僥之後爲侏儒蒼頭實從厥狀  
符手六角扇顧僕夫白驢白與西行殊裸肩鞵使勿奔趨是  
僮夜半能益芻又一蒼頭負笠孤驢雖揚蹶愛如駒舉鞭未  
下口已呼又一僮負文書俱又僮前瞻負大瓠大瓠酒可數  
石沾先生家具祇此夫是卽所謂僕五人曰橘木栗葛拙者真靈位業知有無青城  
近在非崎嶇先生先生筇竹扶大瓠肯借一醉吾

出右安門得詩三首

僕夫且與緩行輶政要鈴驟步步林中頂煙清榆未吐草橋  
水淺鴨相游  
老去尋春敢惜春春應休笑也休羣能無白髮三千丈已是  
平頭六十八

匏瓜亭處雜花開村酒村翁勸一杯莫訝先生非嬾惰幾年  
春不出城來

南紅門迎

駕恭紀

畿南水利 軫三農海上春陽轉 六龍增築長堤惟鞏固  
報祠二淀俾雍容晨光 輦道輕埃淨午靄 軒宮碧柳重  
無息實瞻

乾德至射熊又 詔宰臣從

南苑曉直

天和地廣曉星繁更直分趨集鷺鴛七十二橋三海子青蒼  
老樹 舊衙門龍媒寶勒風前立虎衛華旌月下屯  
訓武不忘疆場事萬年



翼子與貽孫 上命諸 皇子于 南苑習射獵一月

聖駕巡幸天津恭紀

丁亥維春我

皇時巡趙北淀開風潤晴新 御製趙北口行宮卽景云 雨後有風亦含潤

廣惠橋遵水如江南 念江南民 安福艦 御舟名 御製安福艦云 越水吳山幾度評又未能忘者是民情

御舟過廣惠橋云前年跋馬過橋頭路指江鄉卻猶遠今朝進艇自橋下景自江鄉翻似近 七十二淀自西流東中亭玉

帶清河名蒙誰謂渾河故道斯通昔譌既改今

覽彌融 御製過中亭河紀事 謂前督臣嘉淦謬聽中亭卽渾河故道建議放此既改其誤于今親覽益信 蘇橋則名蘇祠

則立洵雖未赴表賢宜及 御製蘇橋雜詠云長橋御說老蘇建未識歐陽墓誌銘又尸祝斯人理亦宜幾間老屋水之涯

滹沱河經子牙村蘆荷曾木居遠想釣笠 御製子牙河詩韻并序 子牙河詩韻并序

謂此地距岐數千里安得有呂尚釣璜 遇上事子牙之釣臺紀載家傳曾失實 子牙高沙 御製子牙河北界地高南界下八分水帶二分沙

入運則黷入淀奈何格隄斯築詎猶玦斷

詔工俾續千里環周中涵春綠維 畿南至海

仁皇親閱是防是疏久安軌轍

憲皇勤咨利民深切我

皇丕承

兩朝庥烈臺頭 行館申

命樸敦小大羣吏備聆

聖言 御製臺頭行館云無過晝夜憇而去何必軒庭綴以紛前此蘇橋 雜詠云費如許為不紆懷後此天津 行館云何必管絃繪民樂伊予所喜在還淳又

借樂堂云無過停信宿願竟費離商 清宴堂云卻以延開賞還嫌費潔除 聖訓恤物戒費不啻至再至三蓋惟以厚民之生而不自逸 聖心有至樂焉豈在供頓之適

齋維 協性港自揚芬燈船莫放萬頃風紋 御製滄波樓用金山遠帆樓韻云不許燈

船將 晚放 吾民之淀多利少虞素鱗黛甲夕雁晨鳧吾淀之民樂

且于喁單舟度柳疊舸依蒲迺

涖天津蠲租



詔頒百姓是足司農毋慳御製命免天津府屬積欠銀穀並及直隸通省積欠銀穀云民足孰與不司農莫吝惜迺

禮海神樽桑東觀御製觀海臺觀海云雷都雷都粟轉坦途潮還御製觀海臺觀海云雷都來往糧艘運總為吾

民闢坦途迺御製瀛裔云瀛裔民風策馬覬蘆田沙戶商分民兮南風其

煦御製曬鹽場云大異浙東更准北亦寬背負及肩挑籌惟商與民俱便別悉情形在此遭迺回御製西沽云徒恃隄防寧有

巡鑾筐兒港俯匪隄是堅維導宣猶愈是要當善導俾宣通

至哉

皇一心以綱以紀水安穀昌初不以輕喜 畿甸羣情東南

一視二旬之間

恩逾春被維海維河夙感 馨香今報淀功與河海方維

皇一心百神敬將百神既効四時既康維

皇一心元氣胚胎飲我春澤升我春臺聞淀民之歌曰 龍

舟重艤聞津民之歌曰 金輿復來

呂氏宅看紫藤花歸飲朱編修筠書屋限六字

給孤寺東花幾度違寓日昔來雨氣淹今值晴光煜雨晴亦

何知芳念自更僕爾日春過三我年甲周六仰天申串珠絡

架濃濃馥臥者蔓及堦立者高出屋野趣忘栽培妍姿極含

蓄風搖萼倒垂影動香如撲翰林能敘舊邀更共糟麴道南

闢蓬廬硯北頓書簾笑茲小庭院充以閒草木牆根芍藥蘭

牕口芭蕉竹乃至友雙松居然雲一谷松雲有無閒弟子執

經讀若令添種藤也戒又從牧他時看繁英客鬢定加禿

。法源寺看牡丹歸飲王秋曹昶齋

看過棠花乍歷旬微雲暖日又催人萬無九十屏風品一洗

三千世界春退院僧猶譚往事提壺鳥已喚比隣歡場得步

諸公後且闕明燈現在身



得雨後程舍人晉芳招過看芍藥限雨字

至尊禱雨天即雨坊巷聲歡草樹舞豈惟二麥與稼田遍及  
百蔬滋藥圃壓擔折枝齊趁曉貯瓶帶溼不沾土喜極何妨  
遂賞花朋來亦復先排戶朝廷無逸憂民生衣食有原供  
物取今辰此樂實荷 恩焚尾當杯頻仰俯

查太守禮澹安居看芍藥分韻

西山城上洗芙蓉春在君家宿靄濃況是清尊紛語笑便非  
白髮數入聲過從龍興寺定傳新木繭栗梢休競冶容惱殺  
閒情天不管綠槐陰裏自疎慵

送儲宗丞麟趾假歸宜興

敘族糾宗贊月卿丹顏鶴髮伴清名不緣拜墓還鄉去未許  
看山訪舊行罨畫溪中花竹遠牧童詞外笠簑輕 君恩說

結句微露和而不同之意

與諸羣從可是難勝繾綣情

雨後乞戴侍御第元齋前菊苗既致十數本復送

長歌因即用韻奉酬 七言四句五轉

飲君家醪見庭菊我畦卻輸生趣獨歸聽夜半猛雨寒臥想  
牆根新穎綠稀常宜補繁宜蔬請君分我鴉觜鋤雖云貴義  
勿貴惠樹鬱恐蠹水鬱汗屋烏屋烏丈人好抱甕不遐漢陰  
老寂即其根動即苗所利者多所去少小畦甫畢誦有鄰叩  
門忽傳郢曲春燈蛾撲自照百讀淺蟻浮更思千巡蒙君兼  
為賤子壽六十生朝逼重九爾時採葉釀雜杭來歲相邀熟  
添酒

清漪園曉直

苑西清境豫遊便輪直羣僚奏事前 萬壽山光霽春旭昆



乳雅一層唐人早朝詩未經道及  
末句以心法為治法乃  
本朝聖聖相承之家法也

明湖氣擁朝煙乳鴉聲裏宮門啓綠樹陰中口勅傳仰識  
聖人無自暇一心常在衆心先

起居注館宿次

顧選又刪

北郊牲已視內閣 版應書職已先期恪心難不寐舒  
君恩感清切儒術媿迂疎又待星光曉簪毫上玉除

靜明園曉直

萬壽山陰石路平朝涼十里肅趨行沿湖樹轉高山靜擁岫  
雲開遠水明藕葉稻苗村綴景松軒螭舫  
聖畱情今年降澍原霑足倍覺郊坰夏綠盈

奉送大宗伯稽先生視河河東

充豫歲循軌淮揚功竝籌春卿煩暫出上相紹先猷訪古熟  
濠雨登高觴李樓俞郎且書記陪汎菊花秋

閏七月廿七日程舍人晉芳齋社餽小集

汴京秋社送餽嘗援古今朝賺樂方聊比雞豚與香火卻先  
重九後端陽假山亭子高槐影閏月花頭白露光津水蟹螯  
堪酒棧不須鋪飯切瓜薑

送家學士大昕省親歸嘉定二首

名試君始官螭石及我同今春病旋已悼室心為恫所欣有  
於菟啞啞繡襦中明當請假歸抱以見阿翁太母髮亦素阿  
翁顏竝童家兄攜舍弟酒熟年又豐我願生燕羽巢君之船  
篷見君著萊衣堂啟婁江東

有松或竹柏有梅或李桃有庭或蘭蕙有徑仍蓬蒿願君有  
此居聊以拓書巢所嗟光祿來祭妹應叨叨冬寒雪蕭蕭求  
地出近郊青烏亦何人信矣不可撓儻探林屋書儻觀曲江



濤逢 國大慶辰願君早還朝

。題畫哭邵侍讀嗣宗九首

并序

侍讀嘗屬爲畫冊去秋以病歸太倉闕然未及還而今秋計至檢冊心傷乃雜寫得蘭柳菊蓼丁香紫藤白蘋梅松輒各系詩纒歎莫釋仍寄其孤復於帷次

與君相見卽同心白石清泉爲鼓琴盡日無人芳可襲春山使我愛深林

行盡槐街是柳衙送君青雀舫還家朝陽門外攀條後千里金霜怨曉笳

休言不落比于蕉白露爲霜夜復朝安得飲君甘谷水味之無已到松喬

歸路輕帆蓼水涯渺然京洛故人懷平生辛苦還辛苦未必

蠕蟲勝我儕

丁子開花鬪酒籌蛾眉散直挂簾鉤明年若問街西館何忍臨風插滿頭

看了丁香看紫藤愁人絲髮各鬢鬢如何北斗闌干夜共嚼金尊再不能

婁江東下白蘋香蘋葉蘋花一水長小艇待教尋子去不勝煙月是微茫

畫出癯仙大好看行來矯矯佩珊珊萬山雪照一輪月著箇梅花寒不寒

道人漫打午時鐘香繞旛幢倚一筇昨借同人爲位法源寺如意寮與之遲我瓶中擔白酒爲君墓上種青松

祇領



世廟硃批諭旨一百十二冊恭紀二首

特勅金函賜

先皇寶字瞻心心貫終始語語鏡洪纖

家法敷天舊官箴向日嚴重惟推至教于以鞏勞謙

上下交无咎天人際有常十三年紀握億萬世謨彰在野傳

如見趨朝拜是將

紹衣申百職總爲兆民康

送畢庶子沅觀察隴西四首。

詔以宮僚出年惟稽事成泰民休養後隴水往來清壯齒多

全力宏材少定程宣臚原第一慎重此聲名

中外何區別賢良有過差要須臣職盡報答

主恩加一瓊香醪勸三更漏鼓搗儒生疎惠澤節鉞亦徒誇

少定程三字正有深意畢公惜未悟此無怪畢翁也

贈我英州石蒼然斐几雲自今宜對爾終日卽如君華岳關

初入仇池路又分嶺岼奇絕處迴憶近爐熏

請得踰旬假歸爲上塚畱遲衝灞橋雪迴汎洞庭舟鄉里看

翁子兒童望細侯梅花青崦月且約復來遊

紀侍御哀其先友墨蹟裝卷屬題

蠻箋幾擘蠟燈紅零落山邱宴未終老矣休文自懷舊更無

謝朓與王融



蕤石齋詩集卷第二十九

蕤石齋詩集卷第三十

戊子

秀水 錢載 坤

上祈穀於

祈年殿陪祀恭紀

春寒猶未作春陰

法駕於郊格孔歆擊土餼幽元日禮豚蹄盃酒萬方心洗兵

雨待滇池告買夜燈看 鳳闕臨伏地蝨臣虔九叩勿生螾

瞻是微忱

上躬謁

秦陵侍直恭紀。

一氣肇於東維西更鬱蔥靈山蟠上谷厚地闕

六十一歲

一起簡括超妙何等筆力



元宮寒食沿常俗明衣致潔衷我家勤

聖子

皇嵬展和風夙夜

音容切

高深化澤充十三年治大千百世心同

御製恭瞻 聖德神功碑 告成感賦長句 謨烈

昭垂千百世憂 勤想見十三年

吉象巖環澗神光劍與弓蓋松新擁翠輪月皎臨

空止

輦悲垂涕趨

庭跪鞠

躬金卮進芳奠

玉宸降清穹林靜長號振淵微

孺慕通勞皆繼

先志邇又奏膚功

舜德瞻惟孝

軒圖紀永隆連徵幽藪及普照小臣蒙

盛軌巍巍上遺民皞皞中

仙原溼春露

再拜契昭融

○清明日半壁店

行宮曉直

玉馬騰珠勒金扉闢紫煙環村山半壁夾道柳三眠寒食常

宜雨春人總愛天 龍旌翹氣色歲又

上

陵施

上御經筵於 文華殿侍直恭紀

紫氣高瞻紫禁齊 金輿深駐藹金猊

聖心至德羣經貫春殿常年舊典稽聯佩謝 恩趨下上我

冠聽講列東西教忠教孝皆從此拜手吾

春人五字寫出熙皞氣象



皇萬福禔

盧學使文昭還自湖南見貽方竹製為杖賦詩以謝

武岡七十二峯閑福地重重雜遠巒  
產亞澄州得方竹體儕  
叩杖少青斑分將入手隆君惠獨立扶身壯我顏  
幸不規圓誇九節便須拄到幾雲山

靜明園曉直

擁佛山頭搶歸湖苑裏泉涼多  
文砌坐靜極閣門宣兩度承  
今月三霄戀晚年  
芰荷風送馬亦自鞞吟鞭

上御勤政殿聽政侍直恭紀

躬禱龍潭雨來朝應響靈材多  
溉田白曉又濯枝青  
意愜

山莊清曠之景儒臣間適之致淡  
寫自足

顏為霽年豐物使寧近依深殿裏荷氣入芳馨

端範堂齋宿

坐深未遣闔重門炯炯心還勉  
自敦百日遂疎端尹職十年  
殊切

講筵恩砌蟲語少秋風淺庭樹陰多  
暑雨繁正愛單衾無夢寐不勞  
纖月照黃昏

觀吳興山水清遠圖

松雪翁圖又作記絹素妙比僧繇傳  
崔甥家杭號湖隱翁歿復見因摹焉  
其嗣崔晟寶摹本趙奕寫記追其先翁之真本  
渺何許得此髣髴神愴然學會張君藏卷一  
無款山水著色鮮一日持來一卷似其宗兄者  
號去偏吳興清遠崔仿趙始笑趙本藏多年  
遂歸去偏裝使合毫髮不爽今皆全幅中一



帶皆短山山麓盡水山頭天水如天空麓有際一線草樹青  
相緣城南玉湖自天目白頃以外通千川西南東北遶湖展  
十五六朵浮疎蓮昔遊山北復山南草上飛坐春城穿草上飛  
碧浪湖好景遣到黃塵前可能翁記墨蹟在補入豈必忘蹄筌

。題桐鄉蔡明府可遠遺像

學有文勤倡公惟季弟賢吾禾官最久所治俗猶傳拜像落  
雙淚歸喪經卅年沉思甲寅暮寒月共燈前

。觀曹雲西西隱圖

顧仲瑛家住處元至正歲畱題疎疎松樹坡石澹澹墨山澗  
谿名理笑言主客小牕風月東西江南眼底相見何必從之  
借樓

。陸包山桃花塢圖

八門春想如畫一塢桃看正花屋裏山來城外西鄰水接東  
家綺羅匝匝芳樹絃管裊裊暮霞試問當年伴侶爲君細啜  
甌茶

。八月十五夜

何夕如今夕三秋又一秋天非無皓月人自有煩憂院宇涼  
聲靜山河灑氣流儒生不經濟太息雪盈頭

。題管夫人寄子昂君墨竹

自題云夫君去日竹初栽竹已成  
林君未來玉貌一衰難再好不如

花落又花開管氏仲  
姬寫寄子昂君覽

澹葉三竿濃兩梢臨窻風雨已瀟瀟自君之出獨相對命駕  
而歸誰謂遙人好嬋娟無歲歲花開旖旎有朝朝寄言妙得  
溫柔解韻戛琅玕神理超



四烈婦圖歌

楚昭夫人齊侯女昭王出遊畱漸臺江水大至王遣迎風約持符符不來夫人不行使者返取符未還臺已頽夫人名貞名不媿沈水而死何烈哉漢右將軍馮奉世女選入宮爲婕妤好上幸虎圈闕鬪獸後宮皆從駐金輿能逸攀檻且上殿昭儀驚走無赴起婕妤直當逸熊立左右殺熊上歛歔得人而止猛獸性婕妤何乃身當歟虢州司戶王凝卒其家素貧一子幼妻李攜子負骸歸東過開封旅舍就主人不納天已暮牽臂出之曳其袖李氏仰天乃大慟婦人節不辱邂逅勿以一手汗吾身引斧自斷輒莫救嗚呼婦人烈若斯我丈夫者何以副至元七年劉平妻濱州胡氏偕去鄉小車載妻男七歲平也從軍戍棗陽胡前輓車平後推是夜夜宿沙河旁虎

來嚙平負之去胡急徒手從虎行走及虎後掣虎足虎不得走風旋岡呼男拔刀授母刀得刀刺虎虎出腸虎始脫平扶挈西季陽堡南血淋裳四烈婦圖沈家寶誰其題者姜立綱張弼吳寬引復跋能使觀者神彷徨嗚呼天壤賢婦女豈乏媿死鬢蒼蒼

德清縣元開元宮所嘗藏元門十子圖歌

一坐像連十立像師坐弟立夸吾儒磐石脫屣老者坐混元皇帝龐翁鬢西遊出關關尹喜喜傳其書乃著書葵邱辛鉞亦師事計籌山尙聞西吳庚桑楚者亦其役畏壘大穰三年居死灰槁木能也不庚桑弟進南榮越抃民之闕抃世戰華山冠高譚老乎重趼而見士成綺仁義摟心告崔瞿周卿士又有柏矩竝道其道爲其徒禦風而行來鄭圃初事壺邱後



卒符寓言十九要歸本蝴蝶之周尤遠遠趙榮祿畫既鏡刻  
華君唐卿重手摹文逸真人寄眷叟玉塵山嘗藏此圖昔遊  
德清越二紀真館花竹迴思紆豈知流轉值京國兼得楷法  
供幽娛徵君吳彥暉各書小傳于老子下十子像後清溪恹恍燈火外迢遞作歌報二徐  
陶尊穀函

。觀錢舜舉桃花源圖用題者錢思復韻

萬樹桃花水一川東風吹著捕魚船吾家畫本吾家句箇裏  
山光箇裏仙先世秦時樂雞犬諸公元季迫戈鋌鷓鴣蘭艾  
何區別只要怡然返自然舜舉自題句云寡合人多息無求道自尊鷓鴣俱有志蘭艾不同根蓋吳興八俊趙王孫被薦入朝

諸公皆相附取官爵時獨舜舉齟齬不合以終其身

。唐子畏明皇教笛圖

所惜太宗貞觀難忘初政開元殿頭玉笛教取吹得春風幾

番

。觀王右丞精能圖

遠山近山面正當樹衣山骨層層蒼巔崖巖巒陵壑坡疎密  
柔硬曲直長夏盡秋初葉濃點有風無雨枝微颺亂沙遠水  
落雲半幾道數疊穿林陽卷橫不高已千里絹昏且破猶古  
香據所論者觀所到天性自出人難量或云荆關此遺跡我  
亦不辨其非玉或云精能乃品題山豈自在無何鄉人閒流  
落得展玩太尉領俸何蕭涼詩中陶潛琴賀若未識他軸誰  
相方

。董北苑瀟湘圖

山容遠以秋江色靜如曉浸岸不畫水盈盈已森森洲蘆筆  
筆風風影斷沙悄翹首橫欲高鬱蒼出林表林林葉無枝蕭



蕭根及杪村分屋其陰漁聚江爲洛天眞實爛漫興寄在深  
宵雲英翔鳥值帝子愁予眇采蘭白露晞弭節翠煙繞髣髴  
昔遊經徘徊此情渺

○○○趙文敏公寄右之兄札墨蹟首云奉別已復三年中云不肖

淚之橫集今秋累輩既歸子然一身僅  
有一小斯自隨未云十二月廿九日

羅綺難勝儼惠臨疎行矮本尙傳今繇來玉馬朝周客未絕  
銅盤別漢心燕市夢孤將盡夜弁山春杏送迴音江南合遣  
人才訪不獨王孫有故林

玉馬銅盤亦習見

○王叔明停琴聽阮圖

崖點碧苔秋思含乍推乍卻罷深譚橫來膝上坐相對寫出  
松風聲自耽疎密高參蒼樹幾澹濃靜立遠峯三不知何處  
此佳境芒屨催人一笑堪

封禪頌碎金帖歌

紹興六年季春日四明山樵石穴開商彝漢鼎竝古劍玉石  
硯各出一枚奇光更發石匣一褚中令書如瓊環迷茫封禪  
文一卷寶此豈寶作賦才山樵得之送太守太守上之入內  
府零星大半不可讀帝命侍臣聯絡取門笥接脈初無痕學  
漢繼周動成矩句皆四字字二百題曰碎金金悉數右軍書  
購貞觀年一字輒換一金錢嘉名其義益有助其文則壓興  
嗣千保和殿勅安國集胡文定哀次  
見恭紀中清容齋貯嘉禾傳嗟我郡  
人亦何幸鳳城猶值黃花前

孟冬朔

上親享

太廟陪祀恭紀



昨直 中和陛雍容

視祝虔冬蒸馨早達秋獮 蹕初旋

五世

躬三獻千官頌萬年即看紅旭上

頒朔午門前

上御乾清門聽政侍直恭紀

圓月寒收影初陽迴麗暉用中先允執成務實惟幾珥筆行

登冊爐香與襲衣十年親 紫闈

聖政感心微

己丑

元日

上御太和殿受朝賀侍直恭紀

六十二歲

先肅 中和禮常昭上下倫惟心稱

萬歲以德踐元辰白獸樽超古屠蘇酒徧民巍巍

皇建極三十四年春

上祈穀於

祈年殿侍直恭紀

設燭融春氣趨

壇耀玉光三霄蒙夜雪九土卜秋穰 大祀彌

仁孝羣黎徧樂康朝衣愛霑溼已覺遠林芳

修

先師廟成

上親詣釋奠侍直恭紀九章

堯舜文武治法惟心



皇集大成條理玉金先

聖則古後

聖則今

君道聿隆

師道是欽

己丑二月四日上丁

皇齋于宮以 德薦馨 龍旂曉臨天迥春星煥其雲構安

我

師靈

古柏陰森神燈朗耀成賢之街歸

先師廟闢大成門啓 大成殿儼乎闕里如聞如見

太牢具哉有鼎尊有卣罍有壺簠簋有觚爵洗維

師周人陳以周器陳以周器維我

皇精意

維

師至聖萬世之師維

皇至聖先臣民以師夙夜之心維

師鑒茲天地萬物

皇躬敬持

侑以六佾歌以

三獻申以

六拜欽

至尊北面維

臨雍兮一展茲



釋奠兮五行畱晷之禮積歲之誠

積歲之誠

皇行  
師言自天之下如彼阜蕃畱晷之禮  
師拜

皇嘉維乾之德實用光華

神之答兮左右洋洋暨兩廡賢儒臣肅肅鏘鏘

天之和兮斯文大昌幽贊我

皇至治無疆

文德之格西域旣收則今大順之徵

武功其丕休西東南北咸以德服

孔子之風

皇猷則同

扈

蹕宿大新庄

村外山分勢

宮前水轉隈青旂藉田後紫陌屬車陪酥點

輕還歇弦光澹欲恢心清闔孤帳早起不煩催

。村杏

村杏如寒女青溪立曉風不知城市裏半損綺羅叢

上千像寺

洗鉢僧圖石穿松磴俯欄繚垣梨杏好歲歲解迎 鑾

過天成寺上萬松寺復度西甘澗東甘澗踰嶺入

古中盤回憩少林寺外

田疇山谷馬曾通二十一年成老翁松夾杏花盤下上日開



雨氣澗西東塵心世界知無盡絲鬢身名笑已空舉首石崖天藻遍紀遊彌復句難工

上親

常零于

園丘陪祀恭紀

歲為祈膏雨

皇來祭泰壇自南風既阜建巳月猶寒水氣通清明雲光潤翠巒九天韶奏協萬寓穀成歡

喜徐太守良至

夔州久說賦歸田輦下重逢突快然滿市楊花春後雨一簾蕭寺午方煙賤貧在昔惟貞節時以舊所裝食貧居賤詩卷屬題老大于今益信天約我茸城他日訪已將梅竹到尊前

范給諫棫士輓詞五首

乘風亦何去戒藥定先瘳庚子巳庚子九州還九州塲原隨佛選夢本作仙遊頗奈顛毛白俄教涕泗流

侍臣歷諫臣報國豈謀身邈矣論千古居然在一貧小齋名用拙佳節實思親君積歲卜先人吉壤不得自書楹帖每逢佳節倍思親句于臥內始媿丹陽麥勞勞有故人

合讓尊鱸翰堪誇子弟蘭周旋孤客早整頓舊門難屋許三間破書憑萬卷觀多君不再娶參駿計猶安

十八年京洛歸與百里心江鄉生未覲墓草近相尋君及余登第始相識

夾巷巷南北來春春淺深停樽緣老伴悲緒復何任

纔與三旬隔頻將一念通茫茫花落後寂寂月明中矩步臨予邸瓌辭罄爾躬虎頭圖畫得能免影成空



圓明園曉直

珠斗光低苑雕欄影靜渠過橋風更切依柳步方徐  
門開早傳宣日出餘拜  
恩還飽飯豈不素餐如  
奏進

題王太守祖庚遺像

昔在徵輅歲風神豈若斯良由材侷儻遂以老驅馳  
公子還裝卷州民已立碑秣陵春病夜澹月墮江涯

上視祭

方澤 祝版于中和殿侍直恭紀

日至功惟報明當大祭歆祝文樽不越史職筆猶簪東海丹

霞起西山壁月臨

方丘如

上帝早達

聖人心

題苦瓜上人餘杭看山圖

餘杭城外南湖外九鎖山雲疊疊烝何意也為青眼客此因  
須問苦瓜僧虎蹄踏月林聲靜箬葉含風澗影澄還向洞霄  
宮處說宋家得失內祠曾

清漪園曉直

宮門啓事候諸臣列坐修廊藉輦茵銀漢星明待遙夜碧梧  
葉落驗靈辰明日七夕湖光山滌非誇浙菰米蓮房總近

宸 講武木蘭行出口雲峯千里快秋 巡

題王雅宜券後

長券短券禮昉諸左券右券法令俱官券私券勢難已折券

苦瓜僧即大滌子見板橋題畫



焚券僅有無雅宜山人王履吉嘗自起債于州間白銀五十  
息錢是文壽承乃居間歟嘉靖七年月維夏想當櫻筍家家  
廚獨奈山人竟貧甚交關入市出石湖不能與息終與息十  
二月必償君餘梅花開時雪花落定已稍入湖田租顧元方  
者買舊蹟獲此卷愛山人書裝界乞題一還再歸文休後連  
凡夫秋堂蕭然謝作答似聽此券來中吳遂令街西褚學士  
心持以索詩如索逋我貧雖不漫立券地上事亦何從圖且  
償詩債欠酒債今夜暫借街西酌

○、夜起

夜起東南覩白芒占星垂象仰蒼蒼定符  
聖意安瀆徼早振天聲克緬疆高樹明燈秋院靜疎蛩曉  
露袂衣涼裊裊出入成無寐并與三農祝歲穰

○、題趙文敏公五花圖

坡沙起伏川流淺草豐樹涼秋漫衍一立樹陰一臥坡一匹  
齧草行逶迤兩匹飲川一仰吻各無羈勒無叱呵清時散牧  
非嬉戲蒙君之惠急君事但識成功萬里心能從敵懷三軍  
帥五花五花不以毛趙公相爾八尺高

○、題徐上舍堅夏山煙靄卷

風雨圖聞勝夏山君今規此適相關崇文本更天真得建業  
僧如舊觀還艇子吳江歸獨喚梅花鄧尉去同攀先廬澈上  
饒泉石生面須憑發好顏

○、程舍人晉芳請假南還有吳門小築之圖題以送之

名試蒙官近七年未成進士極蕭然移家欲別淮陰月買舍



將棲笠澤煙夢亦有鄉誰謂遠歸非無路或之先催他程紀  
東西住心齋與君已約結鄰俟我春遊木瀆船

○馮少司農英廉預日招過其獨往園作重九至日  
為南劉相國邀登大光明殿之天元閣遂不果赴  
明日送句以謝

呼我登高醉爾家隔城早起便將車卻經邃館聞仙珮畱倚  
層欄看暮霞天壤有情俱白髮笑言無分各黃花一年一度  
猶難定那不加餐努力加

○乞得朱學士筠所購馬文璧山水小幅賦謝

疎林遠岫碧川澄愛是扶風墨妙能弟子行原隨老鐵圖書  
印尚辨休承溪山久別徒觀畫嗜好相通每藉朋他日篋攜  
江國返累君長憶報瓊會

題周學士景柱湖舫倡和圖卽送其乞休歸嚴州

二首

憶在蒲州守曾開五姓湖造舟凌暑雨觴客狎風鳧宛轉流  
光駛參差勝引孤歸田今已遂重遣寫為圖

可奈中條影沈沈浸遠嵐故人屬錢七遺藁諷胡三徵君稚威作序并歌  
此去嚴陵釣方春仲若柑君恩應不忘夢卽到燕南



蘇石齋詩集卷第三十

蘇石齋詩集卷第三十一

庚寅

秀水 錢載 坤一

法源寺看海棠於旁院破瓷缸下發得遼大安十  
年燕京大憫忠寺觀音菩薩地宮舍利石函記刻  
石一方紀太僕復亨有詩家學士大昕和之輒亦  
用韻

海棠歲歲花喚我幾遊寺佛前我自行花亦不煩記西園求  
鞠本東寮作茶事石庭塵不浣苔砌坐無次念隋舍利函木  
塢所移置南叙采師倫終不屬茲地唯遼舍利函如寶出其  
肆雖聞善製碑未見義中字牆陰指沙彌甕缶壓荒翠展力  
覆可翻循文完且備諸公輒賞之非為詫神異

圓淨璨然實為神異石函記中語也



舊蹟日無增藝苑藉鼓吹病起值今辰獲此若開智已倩太僕鈔先歸學士笥學士蒐集金石文字多出於歐趙外者風寒盍少畱芥壁遣題識婆娑著處花樂豈再思議

○諸君遊潭柘有姚少師菴之作紀太僕邀余和之

岫雲寺後澗東邊憶過松扉踣亂泉也算宰官身所住終愁釋子語無傳山心豈與藏春別

袁琪目道衍曰劉秉忠流也秉忠嘗隱武安山谷開爲浮屠其師海雲引之事元世

祖于潛邸後號藏春散人壁影猶將病虎懸若向長安街北望一雙壞塙轟晴煙道衍至北平居慶壽寺後常居之仁宗元年仲亭廟庭後撤去而還位于寺寺久廢惟海雲及其徒可菴塙尚存

### 題陳秋曹朗閉門覓句圖

竹苦蕉甘柘水灣笑君吟屋晝常關幾于必用毛錐子并不能逢飯顆山偶寫小身方獨坐頻開橫卷竟遲還集成若付任天社雙井應看伯仲閒

### ○借明無名氏溪山晚照卷作小影而自題

儒冠儒服愧非儒可道今吾勝故吾草木陽春欣所遇溪山晚照問誰圖

主恩十九年還渥鄉夢二千里合無卻遣長謠付橫卷水窻如在永安湖

### ○○○憶永安湖

山圍南北兩湖平堤接東西一字橫放艇白蘋花霧曉收罾綠柳樹風晴海鹽曲子楊宣慰至正遊人顧阿瑛寂歷祇餘村俗儉此時煙壠又催耕

### 題施儀部學濂九峯讀書圖

乍浦九峯青到海屠墳秋鳥脆登盤十分占得讀書力一出憑爲朝士看肥馬豐車愁袞袞長松孤鶴夢珊珊此身要是



供時用可道閒忙定兩般

題陸編修費堦新購靈壁石硯

若巖若壑可硯山坡公臥之以當硯背鐫賦字并印曾藏項墨林家石與匣並題識迴思紗  
穀此其亞試數嵌空凡幾面高齋磊落琴尊閒伸紙濡翰時  
對山爐香欲斷雲生几槐影初籠晝揜關

○馮少司農獨往園中有借山樓可眺城西諸山今  
春復于南淀構一小樓仍曰借山暇日過之為賦  
長句

連畦芍藥乍來過豈識樓成出薜蘿高不三層讓貞白小真  
方丈學維摩城外住增城裏勝近山看較遠山多雨來似灑  
烏蓬背臥憶江南獨放歌君有小樓夜雨諸作

○哭汪選部孟錫六首

兩弟隨君上學堂仲先叔後歎俱亡忍言四十年都幻苦覺  
纏緜病漸妨守默寧須博科第垂聲豈在擅文章萬端一錯  
由初願慚愧同之實永傷

往事君家若重思今朝我老獨應知憑棺已矣千行淚漬酒  
居然兩鬢絲楚國鷓鴣含懊惱鄭風芍藥數上聲將離鄙人  
客北從丁卯何以晨星遂不支

穀原讚又柘坡誇伯仲城東信作家插架圖書鄴侯軸滿庭  
風露趙昌化二語君家書齋朱竹垞先生所題楹帖里中同學嘗晨夕於此今且三十年矣相憐數子皆無對此  
樂吾生未有涯誰道天慳元賦命蓬飄一一墮塵沙

南金東箭漫相提所見如君孰與齊雨絕竟為中道廢風流  
彌向故山悽春曾契澗花陰坐病亦差池酒具攜傳語婦翁  
兼舅氏木雞方且不成雞余於去歲乞徐太守書木雞二字額寓屋



颯颯楓青江上林片帆歸旆雨風深功名世未蒙其澤孝友  
天應鑒此心隱去孔賓君不苦嗟來桑扈我何任寢門可但  
賒他日今夜先輸爲獨吟

獨吟獨吟真可哀行覓年少區中才蕭瑟廓落有如此鳳皇  
麒麟安在哉繩牀不聞夜雨歇蘇院翻對秋英開無可告訴  
今以後只除舉杯休放杯

重過借山樓疊前韻

御園散直又來過非爲青林與綠蘿諸境已空耽結習此身  
雖老藉觀摩溼雲山外秋將薄明月樓頭夜漸多君北我南  
還未別百年對酒幾當歌

題雨林圖

崦裏炊煙乍合離鵲語罷陰四垂畫家潑墨慣如戲著展

看山偏此時孰謂密雲竟不雨豈惟遠樹都無枝江南吾憶  
水鄉靜梅子滿園嘗賦詩

敬承會詩 并序

乾隆己丑十一月上海曹君君錫年百歲大吏請 旌之于

是梧州太守李君方家居集里中高年亞曹君者十九人會

于敬承之堂儲君雲洲八十九歲寇君逸齡八十八歲張君

鳴臯天培各八十七歲趙君漢紳王君翼史各八十六歲王

君協中八十五歲周君培先王君士昌鄭君文斌呂君錫宰

各八十四歲金君公宰八十三歲陳君宏三喬君永錫吳君

茂玉各八十二歲張君亦安倪君元卿各八十一歲徐君天

敘祝君渭陽各八十歲而主人年未及六十乃自比唐東都

之會秘書狄兼謨河南尹盧貞年未七十與會而不及列之



例作序來徵詩載仰惟今年恭遇

皇上六旬萬壽來年恭遇

皇太后八旬萬壽延禧集慶天地和厚之氣溥暢于斯時松江一小縣所聞者如是則夫四海之大耆壽之多可想見已歲在辛巳吾郡嘉善尊德堂九老之會嘗仿七老詩體紀之茲者盛事再逢仍用七言六韻庚寅六月廿七日  
百歲翁真鄉祭酒禮行太守特鋪筵八旬上竝邀為客十九人還望若仙接歲

朝廷方大慶連村江海正豐年金杯醞暖初陽候玉照花疎小雪前堂敞李家歡列坐城臨申浦燦高躔武原分地華亭舊此事嘉禾合共傳

題陳明經耕讀圖

農士俱良德乃馨茅齋終要卜煙垌尙嫌高鳳會流麥祇愛倪寬輒帶經

小庭。

小庭纔半畝嘉卉不多株手賺十年久春供三月娛野蘿纏亦剪狂雨倒曾扶豈但看生意偏宜著老夫

冊 觀家學士大昕所藏鳳墅殘帖卷第十三十四兩

南渡名相與執政真墨老蒼感盈目七十五日李忠定杜鵑寄巢鄭忠穆鳳墅逸客曾幼卿嘉熙淳祐前帖成五十五蹟此二卷宋本猶自杭州城綠槐高花拂簾旌闔開棊几爐篆縈狂草淋漓憶殘頁可勝羣玉萃瑤英

王文園給諫藏有羣玉堂帖第四卷懷素千文亦宋搨

皇上六旬萬壽詩

謹序



乾隆三十五年龍集庚寅秋八月恭遇

皇上六旬萬壽聖節天地嘉暢民物和樂于以承

慈寧歡綏子孫福錫類推恩謙冲彌至臣仰瞻盛際力誦

聖德撰七言古詩一章拜手稽首以進臣無任懽忭無任

惶悚其詞曰

聖心格

天勳華臻

天心佑

聖福祿申行健自強 乾德安四德時措長以仁一中執之

萬化根壽民壽國

皇自敦

帝謂從斯彌億年斂更於庚引達寅任成萬物壽星躔政平

多輝之月圓六甲初周循如環

九重繁祉以介焉惟

皇事

天夙夜敬總我地維握天鏡奉若天道祈永命四方之極履

中正綱之紀之太阿柄敬之敬之

列祖聖天下全盛

德祚盛如南山壽天保定 勤家天下為一家

家法有常

德訓加傳導之義勉研摩自家而推周四遐

聽政隨所即正衙體元息息吹琯葭日播堯勲與舜華九功

敘兮九敘歌如天如地羣生嘉如萬佛讚優曇花我

皇孝德繩

佛語似不入此



崇徽我

皇孝德承

慈闈

春暉日永娛

天暉四時春在天香馥

勅天惟時亦惟幾吉者百福之所歸懸璧連貝拱太微禮曰  
國肥先家肥先知稼穡則知依

省方觀民澤宣暢翊

大安輿泣仙仗與物爲春答慕嚮大哉至孝近乎王至哉能  
以天下養 紹衣載至於畱都 視邊講武歲三驅賢爲駟  
兮道爲輿岱宗 孔林少皞墟更秩崧高佇中區防河捍海  
越與吳秣陵之山錢唐湖皆奉

慈顏時起居衢皆康衢皆福衢所過便蕃 賜田租教民務

本奢費除吏察士選樂只且川巖映發 仙毫紆我

皇文洽天人文

聖文有萬統聖真說經評史誤則刊實超博奧諸儒倫書聖  
畫禪衆妙門胥萬物源造化源 乙夜之勤修政勤規矩誠  
設繩墨陳

親行承祀必嚴禋精氣所感百靈賓保我本支庸展親壽愷  
令德世彌惇八旗舊俗其樸淳九州萬國其豐殷財成輔相  
左右民炎之如日威如神函之如海養如春惟臣哉鄰鄰哉  
臣思賢若渴庶政分謹小慎微政體純惟

皇心切文輒宣聖性聖情見 睿篇事事物物時時然豈惟  
文德光迪



前守文難兼創業難西北曰邊東南徼金川旣平 武功劬  
準部回部輻輳効闢二萬里應呼名三碑巍立  
先師廟迺征南蠻靖南詔籲我解圍獲醜告無私覆載無私  
照先幾之籌  
親總要惟

皇勞心三才理勞心不輟太平址禮樂政刑旣勤止萬化之  
原徹表裏巖恭寅畏一其揆是以

天申集繁祉卿雲糾縵做 玉宸來歲重光歲在辛  
聖母萬壽躋八旬

慈蔭萬寓咸春温元旦普 賜田租恩算緡幾三千萬緡  
聖壽

慈壽歲慶頻藏富答

天惠元元丙寅丙戌兩優蠲今年廣被尤滋繁元會 太和  
列慶筵

特詔入殿蓬萊班喜起舞進瑞雪紛元日 太和殿 作人開  
科雅化先皆在郊極如鳳麟時雨山川其出雲 畿南春多

水泉香 安福艦穩行中央恭奉  
安輿日舒長玉燭維調 寶命昌二淀神護靈飈揚縹林芳

兮馥淵芳析津士民江浙商幽人偕來祝公堂  
御園槐綠薰風涼羣臣願上

萬年觴我  
皇至德謙尊光卻而弗許

詔至再節其繁文物力愛惟諸臣心靖其逮答  
天



祖貺誼斯在恭惟來歲迓

慈禧福祿萬年登期頤舞綵臚歡闔闔開

聖壽天齊祝方來且勿叩請虔今茲大哉我

皇孝治原溥天慶洽慶昌辰嘉辰泰辰

初度辰剛健輝光德日新八千春秋如大椿六甲紀在時憲

書

詔始來年遞紀餘辛卯庚寅周復初遞增百二十年俱臣願

聖壽萬年踰壽昌壽昌

寶祚蕃 皇子 皇孫 皇曾孫稱觴萬年朝野歡惟

皇至德中正觀萬年福祿熙鴻醇

○秦學士大士又作柴門稻花圖屬題

昔者詩人許丁卯嘗以晚至草隱居村逕遠山松葉底柴門

臨水稻花初君何獨賞柴門句一再圖之總成趣擢秀高低

熟雨暘舒英早晚穉風露南畦葉綠轉東畦東溪水白入西

溪紫蟹肥憐稻花蟹黃雞肥是稻花雞羅含庚信俱無宅畫

出青山原咫尺君若能為秦隱居我其丁卯橋邊客

○施儀部屬題華山人並送其外舅吳雪舟所寫黃

山歸老卷子

寫送江行赭綠圖華壘逸態近來無峯高七里瀧中緯城遠

三家店處酷老矣雪舟為社友歸歟丹竈在天都婦翁遺此

藏佳婿使我秋窻得借娛

題萬孝廉光泰詩畫冊

生死交情忽廿年輪番遺冊重潛焉古今律絕彌清綺山水

松蘭卻久鮮思我名流幾元壤奪人厚石又蒼天厚石注選部號菊花



昨喚扶筇出獨對秋暉雪滿顛

題魯治春滿江南卷

東吳小筆數岐雲風露枝枝合復分若見白陽并西室春遊  
連襖定呼君

九日馮少司農獨往園登高

岑樓穿磴俯煙蘿意愜應勝昨歲過秋色煩君方掃徑朝來  
有子已登科順天是日放榜次君得雋傳家日下圖書舊退食花閒嘯詠多

若署老夫吾亦可菊黃偏稱鬢雙皤

為沈觀察清任畫蘭復屬題

多叢亦愛陳元素少萼真愁項子京焉得魏公三轉筆嘗見松雪畫

齊蘭譜云葉忌齊長三轉而妙如傳楚客九歌情德芬芳與零陵似山寂寥隨眾

草生一櫜秋齋權作供可無竹影夜牕橫

為秋試被放南歸者題畫。

農隱溪山似此多饒他圓笠又長簑此牛亦要施繩筆買得  
吳田奈老何

太尉之印歌 并序

銅印方三寸四字蒙古篆文左邊刻正書太尉之印右刻宣  
光元年十一月日中書禮部造得之烏梁海額爾遜特斯故  
鄂博閒定邊左副將軍超勇親王成衮札布以進

皇風既同西域文元印不蝕呈將軍三臺豈忘營鑄式中興  
徒慨紀年云應昌之俎師其遁和林之立國有君太尉誰與  
劇倥傯上都日者方紛紜奇男子耶憑戰勳擁兵氣欲橫江  
雲大官惟備此磊落土繡依然屈曲紋

宿板橋同紀太僕。



下平是杜其音安以樂則遭時不同也

近看沙際樹不記舊來村。釀雪天光薄，銜山日氣昏。瓦燈迎輦，侶茅屋擁衾。言兩鬢禁風力，蕭蕭未覺喧。

枕上得雪

孟冬旬未及，一白瑞先占。屋小寒侵被，庭空曉逼簾。吾人諸福繫，來歲大田瞻。況自王畿始，仍聽震澤兼。

圓明園雪曉趨直二首

永夜披裘獨修衢，出郭方行天唯馬。力照地更燈光風急過，村樹星明近。苑牆冷官無啓事，祇益敬恭將。

坦入金門內，清沿玉沼灣。五更高北斗，萬象靜西山。藹藹梅英早，依依鷺序閒。

聖人欣有詠，兆在降康還。

題吳鴻臚玉綸占藤詩思卷

藤花手植枯復榮，新城尙書之舊邸。遂有鴻臚典宅居，卻憶尙書坐花底。尙書不見藤自花，獨唱無酬春日斜。過牆戲蝶翻成隊，穿架游蜂已放衙。明月黃昏看不足，好手丹青便相屬。畫人只畫袷衣寒，畫花并畫雕欄曲。紫纓絡挂香風初，明年香風還醉余。直爲鴻臚偏如古，令人閒裏感尙書。

五更趨

郊壇茶候

大駕

祝版陳將

視齋宮

御卽臨燈光寒，萬點樹影澹。千林上界昭融切，羣靈祇肅深。天門方鵠立，亦自馨微忱。



喜雪

祈雪雪方降先春春遍生仰惟  
蒼昊穆以答

紫宸誠來歲蝗無種于郊麥有萌晨興卷簾坐不覺熟茶鐺

擇石齋詩集卷第三十一

擇石齋詩集卷第三十二

秀水 錢載 坤一

辛卯

王文成公驛丞署尾硯歌為大宗伯裘先生作

墨妙亭詩萃老刻曾是西吳之石墨何年石斷隨分張閩海  
黔山負趨力漳南黃公得一片摩挲厥背琢為硯蘇詩十七  
字僅存今落吾鄉惜未見豈知文成先得之驛丞遠謫龍塲  
時別傳一片十二字循文實即溪藤詩碑材製作硯材用怪  
絕早在龍岡垂我嘗讀公自書卷驛丞解種琅玕枝何陋軒  
前君子亭戊辰一記殊透迤是時此硯定給侍匪直牘尾批  
文移嗚呼二百年餘尚完好今為新建裘公寶嗚呼名蹟之  
石天下多我且作硯求諸他



上祈穀于

祈年殿侍直恭紀

列城班初定

升壇氣早通惟

親元日禮乃足萬民供斗運高于北風翔暖自東猶思前歲  
雪郊樹遶花叢

題陶舫硯銘冊子二首

林家

估

拓本又余家

何

硯背銘多嶺海誇我亦篋藏鸚鵡眼

可憐點滴是青花

十硯軒蕪石半亡端州舊吏福州黃  
任虎山橋去梅花豔巧  
琢難尋顧二娘

謝葉侍講觀國惠海南香

喜奉雲藍手自裁鷓鴣斑好儷瓊瑰何須遠致涪陽尉直是  
新從舶上來靜夜爐方憑獨試早春簾更爲遲開祇愁一往  
參梅韻難免經時罷酒杯

出右安門郊行二首

驢車直走又紆迴村柳纔知眼未開挈榼分箋人散盡故應  
忘了出城來

晴開天宇動春芳脈脈西循海子牆簪筆十年叨侍從無才  
不敢擬長楊

○ 蔣少司農賜榮招飲見菜花于几上南劉相國約

詠之得二首

上已人來揖翠堂堂中綠菜作花黃瓷罍水浸陳根活竹牖  
風搖疊萼香遲日野暄鋪頃頃薄陰畦潤繡行行臺心摘後



二詩餘翁嘗喜誦之曹翁亦選鈔知前輩  
着眼處非時人所及

蒙茸甚最說吳鄉遍越鄉

桑葉覆連蠶豆繁豆花夾又麥稍翻飛來黃蝶晚無數圍得  
青山明一村老矣關心譚種藝公乎下筆繪田園芳蕤豈獨  
蕪菁似作伴紅枝侑玉尊

○桑先生輓詞四首

君子既多壽曰終胡獨悲遙循空位義已到失聲時薦几一  
甌茗趨楹雙鬢絲直從親歿後今乃更無師

賜第遭

先帝登朝得幾年林居躬養母友教世瞻賢五岳筇真遍千  
秋篋必傳書來甫旬浹猶奉手題編

邃學光勞子高歌暢景翁是皆由早歲而益見純衷語可隨  
材別行難與俗同廿年爲院長一髮有宗風

丁未深秋謁朱園徹夜論迴思檐際月屢照水邊村拜墓身  
應健呼天眼未昏諸郎雖早世遺澤在諸孫

漫興

一桁湘簾鎮自垂春來非緩去非遲小庭也要栽花藥何事  
乾風日日吹

家少司寇先生倬直之取合元四家法作山水卷

以與弟孝廉維喬裝成履題

公望派皆北苑子由師卽東坡禁廬雪落嘗寫行笈春逢遂  
歌渾厚華滋不盡植梨橘柚如何孝廉船泊江渚貫月虹非  
有它

張舍人頃爲瓊花說二篇倩薛鱗寫瓊花綴玉藥  
於後來索詩



別修花史費工夫殺粉憑教沒骨圖后土祠中元不贖唐昌  
觀裏漫相誣祗愁赤玉爲瓊爾曾記秋崖屬句無閒卻經春  
好心手批紅判白又逢吾

靜明園曉直

久雨陰將薄連山綠轉濃官閒猶躅躅馬老似從容玉沼穿  
牆駛煙條引舫重昆明悅宸矚遙岸稻茸茸

籬壞

外舍新籬隔疎莖雜蔓籠曉常雲綴露花漸翠加紅偏受鄰  
牆壓嗟成半院空假非遭甚雨何竟及芳叢

十月癸未甲申

上御紫光閣閱武舉騎射技勇以充讀卷官侍直恭紀二首  
霜晴寶閣開

御座迴臨臺向埒橫弓見銜竿奏鼓來石欄旗屢展沙岸鷁  
初迴文武均張弛先于重審才

接日煩

親試都歸甲乙中英雄務陳力戰鬪仗論功翠葆池之上顏  
輪苑以東林林盛焱勇盤馬更彎弓

甲申日 試畢 校十五善射

冬至陪祀三更赴

郊壇  
未闢天門候交光雪月中一身寒是鷺萬籟靜于風息息春  
如轉高高敬欲通華星方翊衛  
大駕在齋宮

十一月丙辰

上恭慶



聖母皇太后八旬萬壽加上  
徽號詣

慈寧宮恭進

冊

寶行禮侍直恭紀

文母思齋福永膺精璆華玉上

鴻稱天產地毛養之至子華子云臨萬品御萬民天之產地之毛無有不共無有不備

堯趨舜步吉相承

璇宮樂暢爐香煖寰宇春融旭景升

子孫臣庶真歡樂南極南山錫羨憑

辛酉

上行慶

壽禮成

御太和殿受賀頌

恩詔於天下侍直恭紀

躬奉天經純嘏常

特頒天旨樂鏘洋仰惟

皇帝大仁孝誕及神人胥悅康海外又傳扶杖聽殿頭親

見與風翔露垂澤布有如此千萬歲壽歌善祥

恭慶

聖母崇慶慈宣康惠敦和裕壽純禧恭懿安祺

皇太后八旬萬壽詩九章

天祐我清景命萬年萬年之芘

慈徽茂宣



皇帝孝德孔純祇承

聖母萬壽八旬維

九如頌上百千萬齡維壽維康寧

初元至今三十六年

起居有注

皇謹問

安

慈寧宮中

春暉堂上愛日之心以天下養民臣咸知維

孝承

慈萬年多福永綏

慈德儉勤惟愛物惟愛人

孝德祇循今天下大治協于一仁歲奉

安輿時巡下國惟

孝德惟

慈德今歲祀岱東方生生于以歌白華于以歌由庚

龍集辛未龍集辛巳歲以福紀今歲

八旬繁禧翁臻悉新于辛叢生于卯福如叢生日新其元兆

臣拜稽首曰嗣今重光嗣今重光

萬壽无疆

土爾扈特憬我

德威弗加之征順我自歸孝治有覺四國順得道多助天下

順

上帝嘉答用昭大信丕介

慈壽无疆日進

臣歌有那復陳舊歌辛未慶



慈壽蜀疆既我撫辛巳慶

慈壽極西皆我土歲今辛卯

鴻慶福加遠人之來萬里非遐天地一家

紫衢列錦氣佳葱葱

皇迎

安輿 苑西回

宮化日之舒卿雲之結百官之誠萬民之悅天地中間為

慈壽節

崇上

徽音

冊

寶玉琢

聖子綵衣舞先韶樂

壽安大宴五代福同黃鍾春生太和之充 寶字敬闡

徽音義宣頌辭

親製十六章傳

黃詔恩周自朝達野神人樂胥維以受嘏

先是免一歲租復蠲宿逋復舉 恩科

錫福其實多欽恤之仁好生德至爰禮耆年養庠之義洪纖

心周惟以廣

慈恩惟以奉

慈歡寶祚其蕃

周明府震榮屬寫墨花

水仙祠下冷湖雲處土花梢澹夕曛萬遍尋思難得夢一般

一氣層折老筆紛披

聖石齋詩集卷二十二

七



畫出卻因君亂山江北官初罷深巷城南夜又分笑我已添  
雙鬢雪未能無語對爐熏

為沈按察廷芳七十

接歲朝京際泰辰纔過六十九回春生日在八月同徵齒序方三紀

前輩心儀更幾人上苑雪收行爛漫元宵燈放不逡巡祇應

細酌東風酒畫法評量到仲仁行笈攜有元陳仲仁山水卷

伊副都統福增格惠海物畫梅以謝

夙聞將軍才絕倫一見遂若平生親井口銘貽是唐代嘗于旅順搜得

兼蒙海味俊歲晏直使山廚春何以報之尺幅紙梅花教傍

鬢絲新

題陳仲仁山水卷

陳君主簿于陽城人物花鳥皆至精吳興郡亦作山長文敏  
公嘗畏後生苦點麓寒厚所厚松陰雲活清其清若教多寫  
可多得何減四家元季名劉文成云仲仁畫不苟作終歲不能脫一稿故傳世絕少

壬辰

送沈郡丞清任赴官四川

洪恩錄用必騰騫壯齒迴翔稍下遷此是王尊何眷戀歌如

叔度有周旋明燈白髮三杯酒芳草青山二月天手板不勞

趨幕府軍聲即定小金川

題羅山人聘畫鬼二首

畫鬼畫煙雲猶堪米數文曷不學院瞻一空此紛紜

六趣外無界七趣中有人即非若馬趣願君思公麟

馮少司農招作花朝



雪點猶疎雨不繁  
丁寧告戒已開園  
縱輸吳俗遲三日也抵  
高麗當上元老去閒情  
急花事閒來老伴寡  
塵言自今節節  
隨春劇紅萼雖稀馨百樽

○宿小店

土銼茅檐 輦道旁疎林空  
塹半垂楊五年買飯便人意  
一度攜衾對燭光酒保性真  
都不俗田家風味本來長老  
為侍從稀佳句特向西郊記  
壞牆

沈按察輓詞

罷酒匆匆近藥鑰  
看花漫漫出筇聲  
三春準擬為三老  
一哭俄教盡一生

馮小司農招公及余二月十五日花朝會先之五日云云庶乎作三老公病不赴乃越三日而長逝

天女維摩元

是幻海山兜率復何情  
世間墨寶蒙私印難遣  
頻開觀姓名

旬日前借觀余明人墨蹟十一冊留印冊端

張少詹曾做將歸桐城賦長歌  
致酒雙壘屬畫蘭竹卽題以答送

師門先達又同官  
官罷廬居歲幾闌

國慶踰踰來甚暫  
春熙碌碌別尤難  
缺於治具翻相餉  
速為成圖且奉觀  
早晚咨才應薦起  
龍眠山好好加餐

○羅山人為余作探梅圖題以謝之

百年難得幾探梅  
畫我入山梅已開  
繁萼向天皆半側  
好風吹面恰東來  
前村萬樹還千樹  
今夜三杯復兩杯  
賴有羅君共清興  
不教芒屨負蒼苔

總而老賴光景亦實可憐

三月六日雪

三月六日雪漫天  
五出花紅將凍桃  
萼綠未沒萱芽陌  
上遲香騎城南靜錦  
車老夫步欄立猶  
復望春奢

此等俱出於老杜然不無流弊所以西江一章一句皆欲自成結構正有鑒於此也昔人謂學杜莫不善於黃魯直豈其然哉公於西江得力已深持性愛率真不欲多為槎牙生硬而一二酬應之作定稿時刪汰亦未盡耳



翁學使方綱歸自粵東法源寺海棠花開連日偕  
過有詩亦賦一首

碧雞坊今屬此間黃木灣思灣復灣三月花紅招我坐八年  
髮白待君還石幢齋鑊且岑寂榆莢柳絲非等閒日日向伊  
尋句子何如高閣看春山

為馮少司農家海棠寫影并題

近迴欄獨出高檐為爾今朝盡卷簾春好已知春老又畫人  
何不畫花兼羅山人近為寫借山樓圖蘇公舊韻三年欠蜀府新粧一夕添  
主客樽前加鬢雪略飄絲雨儘無嫌

飲呂家紫藤花下五首并序

紀太僕秦按察邀余過給孤寺東呂家看紫藤花至則太僕  
小門生按察令子編修去年辛卯典河南試所取公車兩孝

廉呂氏之族為兩公置酒花下于是遜余上座因詢河南庚  
寅兩呂孝廉之為余小門生者則亦其族也頃之一呂生自  
外歸拜余花下時秦編修方分校禮闈明日太僕詩來輒為  
補作

藤花歲及寺東看隔日相邀凭石欄卻見主人成不速春來  
元愛酒杯寬

適來境趁適來情花信番番戀鳳城賺得與君空白髮門生  
門下揖門生

木瀆將棲纔請假小園虺蔓想高榆夕陽似此寶纓絡政要  
來尋船百壺

秦家庭裏得新陰紀氏恩門望更深數上聲日何人為錄事  
櫻桃宴後牡丹臨



明季尚書有忠節門才盛入 本朝誇諸孫今接花陰坐猶  
憶君家宋呂家

。熏爐二首

巧鑄而今也用銅參差減了洛陽工最傳朝會班香案不易  
人家奉火籠棄我漸于春後冷關渠長是夜深紅篆烟乍起  
重簾下可愛無風似有風  
對此何須雪釀寒婦人春半雨闌珊分明不得梨花照寂歷  
真愁蕙草殘纔解朝醒渾欲醉每宜小寢若忘餐從他寶祿  
徘徊處熨手無言悵望難

周文忠公銘雷氏琴歌

底鐫行楷云雷氏斲之肇自開元馮氏

主於內手應乎絃故聲和可以仰馬意殺形之捕蟬豈特此哉大則歌南  
風小則治單父舉不出於斯焉嘉泰元年四月辛丑平園老叟周必大書  
池中鐫八分開元癸丑四字亦左右列

呂家藤陰見此琴翁家藥欄又值今黃塵乃有千年物白髮  
能無一曲吟雷張名公擅開寶列子樣存斷紋好初元樂府  
奏還京斲此真堪關至道得寶子歌聲復聲阮咸拍板箜篌  
箏大小忽雷鄭中丞此琴何在彈誰能瑤臺已到湖山翠高宗  
宮內鑿大池象西湖冷泉壘石作飛來峯盾制銘方洪皓賜高宗出意作盾制  
益公進端午帖子云直是瑤臺第一重此琴曾閱東京來周家亭榭迎梅開銘之豈忘治安願叟也  
故餘雅頌才其年公年七十六平園之圖未盈幅我今不作  
雍門周我今且作榮啟期庭空月澹春露飛茶煎香熟明星  
移孤坐祇將橫膝上昭文多事著成虧

東書堂硯歌

背鐫正書東書堂書寶面額鐫古文篆云  
割紫雲之片石兮求璧水之元光蘭雪

燕王母弟國汴梁元宮詞好製百章教子頗煩劉長史開軒  
更起東書堂堂中紫雲裁一段修幾三寸廣逾半古帖臨池



貝葉翻新聲向月明珠貫繇來好學後人賢王孫地位況列  
仙片石摩挲成俯仰西亭還共小山傳

蘅石齋詩集卷第三十二

蘅石齋詩集卷第三十三

秀水錢載坤一

題圖塞里學士野圃

兩年嬾不郭西遊誰道開亭更起樓指點釣魚臺廢墅商量  
運酒舫新洲交蘆江上回風偃蘂筍吳鄉霽景抽我亦有田  
歸未晚林端殊愛友聲求

題熊編修爲霖秋圃分甘圖卽送其假歸新建二  
首

千樹誰多種三秋此獨娛也看孫子及未覺右軍輸風俗頻  
思里園林早入圖瀛洲諸後進別緒不能無  
章貢江之岸歸來書幾船綠柯栽日小嘉實摘霜圓暇想君  
恩話遙憑手札傳酒尊京邸月曾是奉周旋



題翁學使方綱臨蘇書卷九首 并序

蘇文忠書蔡君謨夢中詩守居閣中舊題及和作周韶落籍  
三首虞奎章見於柯敬仲所爲賦詩四首後敬仲乃盡和卷  
中韻爲九首于是題者倪瓚馬治張雨皆如其數此蹟翁學  
使購之粵東攜歸京師載既乞臨付一本遂亦盡和以題之  
吾家篋擬君家寶新蹟粗將舊蹟明怕是夢中人說夢眼青  
萬里太多情  
情隨花動憐花好春鎖眉尖掐指尖不作錢塘江上守那知  
愁似夜潮添  
門茶輪卻笑堪驚鸚鵡籠開不剪翎相別若忘同輩羨再生  
應念此恩經  
湖上草青花白紅宋年春肯到今同杭人多慧慧何似憶殺

六橋楊柳風

遼家金家幾戰塵一卷猶見錢塘春撒與明珠百十二果然  
南嶽有真人

取觀任展長安軸攜去憑迴卷畫船環慶堂開重俯仰可憐  
真比月嬋娟

多事相關長帽翁倪張之筆盡春風人生百歲他無戀未免  
幅縑片楮中

五百年遙嶺海魂後先于浙漫尋論轉愁杭郡殘詩棠去惹  
儋州亂雨痕

臨本木雞齋乍入舊藏天籟閣曾誇君非賈島獨名佛我豈  
恆河長照沙

紀太僕復亨請假南歸將居吳郡翁學使方綱邀



同人分賦勝蹟以餞載得甫里

少卿宦而歸本異天隨子聞將中吳居其何遂比擬天隨籍  
長興既乃儼甫里君先亦南潯今茲更擇美則如甫里家頌  
禱蓋可以去城深入村望野曲周水圖書人左右杞菊屋後  
前置屋三十楹毋置通江田上塚石湖近探梅鄒尉先東西  
洞庭月七十二峯煙是閒君松扉寂莫潮流連魯望迎潮詞云寂  
莫流連兮依稀舊  
痕明歲我歸訪泊船還泊船

漢建初銅尺歌

識云慮虎銅尺建初六年八月十  
五日造慮虎漢書志注音慮夷

城南亭子槐陰涼拓文乃展漢孝章亦知此尺在闕里

孔尚任  
得之江

都閔  
義行

徒觀二七篆一行建武銅尺周尺同以校後代皆過長

惜哉荀公此未見七品猶參微弱強世祖之孫好儒術四年  
虎觀下太常建初年去建武近中興以來民不忘隋書雖臚

十五等此尺早出非難量建武尺憑建初證周禮尺制應加  
詳其時鐵官屬郡縣縣官鑄器銅丹陽況于玉律度為尺文  
學得自零陵疆林慮慮夷土俗別大陵有鐵扇熾揚慮虎豈  
由俗間鑄何以至寶傳茲方荀公不如我生晚可正古尺神  
彷彿同觀更辨字體好今日之樂樂未央

題紀太僕二圖

心齋坐忘圖

心齋君自號時義取于復今以況漆園集虛亦云淑兼之圖  
坐忘大通若無方斯意本近禪乃遂作僧裝願君且娛老非  
黜更非墮掩關剝啄無獨得身靜坐林靜坐如山畫靜坐如  
宵坐花春寂寂坐月秋寥寥大雪起而行必為村梅出曷不  
挈壺盧相將扶柳栗



石湖春釣圖

行春橋外今朝風鵝鷓踏浪西復東楞伽山前昨夜雨荻筍  
齊抽棟花吐黃塵袞袞催巨年誰能遣此櫂頭船惆悵非惟  
張翰鱸蹠是亦祖生鞭

顏氏所藏魯公名印歌

唐印朱文觀者信銅花斑斑紅沫潤兩字左右方寸強顏家  
世守此名印二十四郡忠臣無公名纔得天子呼臬卿其兄  
真卿弟貶公出公名不誣其時天下人望同不以名稱稱魯  
公豈知此印到今好手舉公名精爽充我欲昌黎名印得可  
雙顏印分芒色公行死矣韓生歸君命之銜皆報國

觀鄭所南畫蘭其首題云一國之香一國之殤懷彼懷王于楚有光

兩葉一花根不著似添一蕊猶含夢腕驅瓊詭可奈何先生

僅不離騷作先生自製祭鬼法每夜祭鬼響若答鄭元祐國之  
殤兮國之殤春夜風生秋瑟颯比于畫馬家淮陰謝翽唐珏  
有同心蘭兮蘭兮不形似王孫愁絕豈知音

題歸帆圖送羅聘歸揚州

冬心詩弟子踰歲京遊歸奈此芙蓉采先于鴻雁飛嗟君用  
意勤為師續編集可憐蕪城客不羈人不及 聖世拙無用  
枯腸出騷遺祇恐過樊榭終為來者知歸歸方校刊慰君心  
所重錢塘江上山碧草沒孤冢冬心歿于揚州三益菴乙酉九月歸葬于臨平黃鶴山依依師  
與友落落古至今君自挂君帆我自寫我心平山見大江藥  
畦近香界他日歸道經剡藤再乞畫

錢紀太僕供荷花邀吉京兆夢熊張學使模翁學

使方綱家學士大昕共賞之翁學使有作次其韻

詩為冬心作也



呈諸君

多憑郭外折香風直似江陂駐短蓬渺渺歸人心更遠酣酣  
老子頰難紅幾時上客聯清珮明月西冷汎碧荷添與雙堤  
萬楊柳不勝盼睐此筵同

七夕曹少卿學閔家學士大昕集程選部晉芳齋

餞紀太僕招翁學使方綱及載奉陪分韻得同字

高館新涼霽碧空合昏花下未鳴蟲依然聚影當鈞月不奈  
離情逐曉風二十秋來人尚健三千里去信元通何因便踵  
雙星例此夜深杯每歲同

同程選部晉芳嚴侍讀長明翁學使方綱曹中允

仁虎吳侍讀省欽家學士大昕集城南分賦

壇樹擁且森郭巒抱何修茲焉實韋杜曠若臨滄洲金門盛

退然自處公之用心如此

名彥仕學兩所優緝之芙蓉裳比于珊瑚鈎暉暉天碧晚迢  
迢雲素秋豈敢辱同心以我成佳遊我今在桑榆我本爲鸞  
鳩未免對清尊輒用銷煩憂

同程選部晉芳曹中允仁虎姚秋曹肅家學士大

昕集嚴侍讀散木菴

適先飲他所詎知境頗勝飲雖非終日喚亦幾不醒驅車度  
重闈望屋識舊徑十年缺重來枯櫟驚半剩問君居幾時檐  
斷改題稱巷南客緩呼樹下牕稀凭諸公笑引坐醉語錯相  
應華鐙冷淡光斑鬢飛騰興所媿賢主人沉酒禮風證能飲  
者毋苛不能飲者聽嗟余又何知起視天清瑩祇恐西風高  
落葉聲未定

翁學使招同程選部嚴侍讀曹中允吳侍讀家學



士飲卽題其蘇米齋二首

移居請客埽秋階日日秋晴晴更佳  
摹得粵東蘇米刻署為  
都下嘯歌齋涼風滿路  
僮擔菊細雨明春院  
種槐何似藥洲  
饒水石羅浮天際話  
憑借

蜀人蘇軾子瞻南遷惠州  
巖舟巖下與幼子過同  
遊聖壽寺遇隱者石君汝礪  
器之話羅浮之勝至  
暮乃去紹聖元年九月十二日  
書此刻在韶州英德南山後石  
壁藥洲米齋元章  
題此刻石高三尺許今在布政  
司解後堂東竹叢中學使皆摹  
石攜歸今置齋壁

宣南住亦十霜餘高樹鄰家半已疎  
江引歸颿頻送客燈搖  
醉纈尙畱余盛年不朽元難量  
健筆多師定弗如老矣青山  
東海曲抱經悔自別先廬

密雲

廿四年來記秋衣出塞還城高  
鮑邱水風急白檀山抗策心  
猶壯簪毫鬢已斑朝曦迓回  
蹕悅豫仰

天顏

觀元蘇弘道書延祐甲寅科江西鄉試  
石鼓賦李丙奎徐汝士王與玉陳祖義  
李路羅曾吳舜凱及  
弘道八篇墨蹟卷

元之取士首楊英

一作

厥後議制鶚與衡進士科設遲又久

仁宗二年乃詔行世祖乙酉幸上京太史告瑞文昌明仁宗

誕降實翌日是夜張起巖亦生延祐乙卯廷試始起巖左榜

第一聲甲寅鄉試當先行江西所舉斯其名蒙古色目漢南

人各七十五三百并南人江西舉廿二如八人者其翹英一

場題出四書始所在義惟朱氏程江西試官二員選吳

澄楊

石鼓徙太學頌題以此宜鏗錡殷盤直溯九字銘德文兼有

此題辛楣先生亦作之與公詩皆樸實  
紀事之作然此試卷似未得闡入吟  
壇耳  
此語似陋然體裁自有師承宋元以後  
題目唐人不同作者多矣



長崢嶸李丙奎首句云大學九字堅於殷盤之銘徐汝內治外治修攘興王

綱王道法天貞王與玉云外有武備之立內則政事之修陳時哉一統人

物俱宇文何知雅什賡李路云迨乎我朝平一四海天下之士爭走集乎京師

斯時羅曾有序云乃以為守數存失得繫愛惜鐫刻萬古功垂旌吳

文周所作者蓋未有考也七人藉傳若加榮試卷最先所僅見出身迴憶難相輕判官

凱云是雖數存其間分失者復得亦必好事之君子為之愛錄事官分轍起巖榜即進士成李路羅曾乙卯會試皆中選李江西

惜蘇引道起云宇宙萬古伊誰無功不鐫不刻曷是無窮選舉志待徵豈徒賦格供詮評

翁學使邀同圖塞里學士羅山人家學士城西訪

菊山人買得杜東原仿荆關山水卷贈學士展觀

乃余舊所藏者不知何時失之蓋更有三卷并失

之矣學士既不欲得此山水索余畫折枝以償而

山人竟以歸余明日學使有詩用蘇集仇池石韻

家學士繼之余亦和焉

無錢買鞠華佛處看荒綠兩翁各待行翁學使攜子樹端十二齡樹培

一老先躋足余齒最長君子繫客心小人匪我腹奈此突驚呀豈

其紛刺蹙季康嘗患盜距心實求收祛篋何不悛販肆又相

瀆未遑疑竊鉄猶及戒懷玉要余荷來歸旁觀成歎服頃步

一燈償有墅十年卜疎英記動搖小筆能追逐鹿冠畫者山

蘭坂楚然谷鶴老云誰思松蒼亦所欲細娛生宿緣佳譎競

新曲再趁黃埃飛寧愁白日速

題秦郡丞廷莖秋山讀杜圖三首

錢塘從宦早知聞京兆題名始及君大好石頭城裏月桂香

同席看秋雲乙酉載為江南鄉試考官君適內簾監試



讀杜秋山意太愍從軍得得入滇南鎖江橋上嘶班馬却拘

梅花向玉潭昨見示晚過永昌鎮江橋及龍潭寺梅詩

峽石東西翠靄凝當年豈不辦香會煩君為謝山中友排比

鋪陳僕未能吳樵史題句云排比鋪陳特一塗遣山果契少陵無樵史諱嗣廣君之師而余之故友也其家峽石東山

### 集曹中允齋分數雜體得江常侍清思

素女且停瑟昭華不吹琯蘭釭屏隱深晶簾樹交散霜下四  
宇淨月高一庭滿意適若無人夜遙未言短

羅山人造程選部門有繫馬蹠傷其右手選部乃  
疊前韻以謝山人而屬和之

斜街門繫馬有客蹋蘇綠客非代之蹠馬乃白于足未嘗撫  
其尻何至戾其腹主人出且趨攜手額為蹙主人額無蹙所  
以祭先牧鞭狗教雖壅飯牛心可瀆跳擲若蝦蟆卒必抵吾

玉彌劣而滋善庶免戎莽伏即安醫不忌相慰畫如卜右手  
則緩招良馬則仍逐庭柯老無陰吟楊寒在谷詎知和者難  
翻得主人欲我言亦雷同我思亦樂曲畫誠由好手无妄是  
奚速

### 集程選部齋檢南宋人集分題之載題香溪集

我所思香溪竹樹清且深清深范氏廬父祖踵華簪先生豈  
不仕當國非外陰素絲雖彼姝空谷猶爾音暮春嘗病起花  
暖溪煙沈飛蟲撲牕紙危坐方自吟經經亦緯史稽古實居  
今指陳及異勢辯博申微忱斯文宋南後浙水諸賢任我所  
思香溪不獨如心箴

### 王進士嵩高屬題其曾祖樓村修撰十三本梅花 書屋圖五首

公家書云前輩王樓村先生之遺照  
十三本梅花某未出世時查初白先生  
題者其令孫來求題某細思此一榜即  
錢綱庵先生查初白先生何義門汪紫  
滄先生蔣文肅陳文勤公也所以第二



首有句云六十年來春可念東南第  
幾先型蓋諸公可謂名第矣然既有  
我座師不得不及第三首接上云注  
云首句不過豆點之句然已約畧是虞  
道園一輩人且不是虞道園以下而六  
年來二句身分過存而東南一望可是  
幾家人家此如何說與讀者知之泰吉

秋夜夢作看梅人七年倩圖已壬辰後壬辰怡賢孫值猶見  
先生夢裏身

圖成初白卽題句詘指我時纔五齡六十年來春可念東南  
名第幾先型

如我座師陳相國霜鬢鶴髮寸心丹乞身

詔許身加病不及梅花故里看查初白先生陳文勤公皆登先生榜

會稽萬玉圖嘗得遂自軒題萬玉看夢固欣然醒亦可況論  
少萼與多枝

家梅野梅好在無廿年人隔錢唐湖今朝那不檐閒數上聲  
東十一株西二株

觀宋徽宗題南唐王齊翰勘書圖緝前勘書圖三字緝尾王齊翰妙筆五字

而兩蘇及王晉卿跋皆失去

北壁高張畫屏曲上有王維山水綠開中注意每若斯縮木  
迢迢看不足屏前堆牀卷軸委左几攤書坐者倚右手挑耳  
看眼欣全身衣紋吳道子晉卿不惜將軍廚持贈定國聊與  
娛東坡先生適然值題作南唐剔耳圖何年瘦金書更適古  
賢圖外此尙畱王齊翰古賢圖亦徽宗題李家待詔北來久行見趙家花石  
秋一僮短纜過屏脚熨指茶盃乃有託祇憐已逼楊子華不  
在猶鈴睿思閣

○泰忠介公篆書陋室銘墨蹟卷款云至正六年正月二

公先白野山後則僑台州家貧可有屋實依待制周十七首  
鄉薦右榜復狀頭元年除紹興名入三史修此銘六年書時  
在大都否窻前竹根瘦門外梅榦適問山山下近尋水水邊  
幽是惟公陋居頗見成越謳四方蝗且疫老健得無愁公送友還家詩

直起直收凜然有疾風勁草之意



至正三年台州路達魯花赤泰不花與方國珍戰於澄江死之贈魏國公諡忠介泰不花舟中張受降旗以國珍方令其黨陳仲達詐請降也

云君向台州去煩君過我廬可于山下問只在水邊居門外梅應老窻前八年國珍竹已疎寄聲諸弟姪老健莫愁予計其時羣盜未起而公有言外之憂

起遂赴浙東籌宛轉及幾年書生事戈矛誠慮負所學有死

身不謀一片受降旗鼓絕于海舟嗚呼科舉興如公光斗牛

亦有余忠宣大節風颼颼兩公皆善篆其蹟悲尚畱淮南山

竝青浙東水共流

賜詹事府

欽定重刻淳化閣法帖恭紀

請

恩修解乍經年欣奉

綸音寶刻傳起例春秋關至教訂訛甲乙備真詮蛟螭伏

匣雲光靜松柏交檐露色鮮鴻筆諸臣暨多士不惟心畫要

精研

同日賜翰林院教習庶常館國子監及順天府金臺書院各一部

登陶然亭後閣看雪同翁學使方綱曹少卿學閔

陸秋曹錫熊家學士大昕

冬至將臨已覺春小軒獨處本無塵偶然木屐尋詩地俱是

金門賀雪人日照中天三殿迴雲開西閣萬峯新市煙青斷

還相指今夜何妨酒百巡

第五句不似雪臨字亦可商

雪止集姚秋曹翁寓堂分賦得畫雪

大抵只當前蕭然亦惘然水痕肥欲減墨氣靜能連豈謂皴

多法元來粉半填故園吾已寫壓到竹梅偏

琉璃殿肆見小方玉印一刻鞏固私印四字橋紐

葫蘆樣玉印一刻帝甥二字虎紐明鞏都尉物也

輒為詠之

烏駁馬入承天門煤山山亭忍復云鞏府焚先劉府焚乃獨



未燬玉篆文帝姬去年悲已薨家無藏甲猶守城匱旁黃繩  
子女繫母汗賊手此帝甥兩字豈知早刻印甥分甥分國俱  
殉藩封恨不二玉曾巷戰嗟難二卿僅鞏固實惟鞏永固省  
文繆篆美無度人之不亡帝左右玉之不變神呵護一雙中  
有暗淚流華池豐屋春暫畱主印樂安應竝匣幾時南去在  
揚州

樂安公主小玉印在揚州錢唐厲鶚嘗作歌

觀趙文敏公所書道德經墨蹟冊

八十一章九九重管公樓紙格猶紅唐家始祖傳元牝趙氏  
諸孫奪化工河曲茅菴應盡黜風檣陣馬更誰同直須上借  
猶龍喻橋近甘棠謁再通

白跋云註釋愈多而愈失孟頫深見其謬悉與去之重爲繕寫風檣陣馬柯九思跋語

任明府震遠餉陽羨茶賦謝

微霰淅淅矮屋方炯炯一箋奉清句雙餅致春茗舊家罨

畫陰門對鍾山頂採惟真笋上品與襄州等竈冷火如星葉  
乾爐若鼎自將雪水煎甘露超超竝江岸此時花老梅非不  
肯急報明府知我身已乘艇



稗石齋詩集卷第三十三

稗石齋詩集卷第三十四

秀水 錢 載 坤一

題劉文靖公屏山集

先生誠樂道抒寫何清雄蓋有用世才而多靜退風旣歸主  
冲佑遂自號病翁家園緬潭溪一十七年中蚤孤朱氏子灑  
掃及成童字之祝曾顏聖傳以無窮流涕表墓文老矣述先  
公莫報父與師尙難罄其衷

題馮少司農小影卷子

夢堂君自號聞聲年復年我年行六十相見各忻然宦遊早  
南國句在佳山川農官晚感知鵠立直  
講筵小身偶倩寫見於梅花前數竿綠竹亞千尺喬松連照  
之水澄川仰焉月在天而人于其閒適與相周旋老來詩更

此題幸楮先生亦作之甚妙



好清稟君獨全我且問梅花試茗分山泉

姚秋曹寓堂分賦之題曹中允盡賦之遂如數以和而存其二

煮雪

可待消為水旋教試以茶山泉應不後煎茶水記雪水第二十風味殆無加折腳鑄燒葉穿心鐘泚花一甌春自暖簾外又蜂衙

堆雪

掃地番番積和冰疊疊寒先將高樹擁暫作假山看團起玉獅子雕空火判官即非上元近竹爆劇生歡

題僧求聞為母櫛髮圖

墨者夷之厚葬親降衷厥有墨亦人治岐政遙老逮佛天若收養四者民攜孤捨寺彼何好乞食聊活無家身告子雖如

鬪畚頃與孃直是齋僧因有兒有兒髡則僧母坐背僧鬢如銀跪僧于後櫛母髮一梳半梳蕭蕭勻兒雖無髮母則真母尚有髮櫛且頻佛當見之笑不嗔是中有性繫大倫楊墨之歸皆可仁佛老之入初以貧焉得世無一兒貧在家奉母鬢髻新

飲蘇米齋是銷寒第三會以同人姓惟陸秋曹仄聲限陸字成五言仄體二字未知所本

凍雪緩驢車明燈喧竹屋才非大歷錢坐有東吳陸九九候占三林林香動谷諸君酒畔心遠與春相逐

集散木菴巖侍讀已買得鞏忠烈公兩玉印出觀復為歌之此似少意 仍鈔

秦遊橐金歸豈多急此恐誤他人磨昨為言之今已得激昂



使我成悲歌我歌直為鞏未固我悲不獨鞏未固茫茫天地  
忠義人舊物流傳孰如故大江月照揚州城中有樂安玉印  
明明年君歸攜此行兩印百年猶在京問何去去江南程玉  
雖有字會無聲願君與購貴主印後先漂轉重合并香檀作  
匣蓋刻銘志趣差同號與名夫婦于人本不輕泥其家國歸  
死生

○雪夜集陸秋官冗寄廬出觀文裕公玉舜詩墨蹟  
卷疊至累十自玉舜白檀花也公題之為玉舜云  
遂次韻

本來佩玉比同車欲賦翻愁鬢已華君子國方明夜雪山香  
曲任墜秋霞侍郎斐句珠連琲憲部蕭窻月照沙榮落雖齊  
顏狀別孟姜應不讓無瑕

六十六歲

癸巳

端範堂賦

齋宿更番夢亦安迎春卽漸氣猶寒掃除蘇院供連步裁翦  
花林待好看天意屢豐重降雪  
聖人元日又升  
壇捷書傳指來巴徼凱入都城萬井歡

散木菴茶話

菴前有木木無陰木上惟聞啄木音人日敬之逢國忌天風  
聊以盍朋簪昭文鼓亦龍鍾罷定武瓷還雀舌斟排日看春  
春是閏三旬不換億黃金

五六屬對似未渾成

○題程選部三長物齋三長物者懷仁集右軍書宋楊本吾郡項

御墨及羅小華以後諸家所造墨



借宅朱公豈定居君房師今安徽朱學使笑人題額照春初田園別後黃金盡科第成來白髮疎六尺簞旁真富有五經笥外太紛如愁他硯墨隨佳刻只是先生不善書

。上元夜集曹中允齋

深坐屏山看掩扉紅燈也自護芳菲不教剪剪風頻起渾忘團團月稍微羣戲兒猶搗鼓去小家女定走橋歸昇平博得衰年樂已換淋漓舊酒衣

。集姚秋曹寓堂

小南城近數歸鴉白玉池迴遣駐車官裏光陰閒幾輩臙前風雪醉君家游韉覓共春天句畫楹看多閏月花為樂及時聞自古卽非秉燭本無涯

題吳州牧瑣蘇門聽泉圖畫時為衛輝書院院長

吳後陶木果木之難有詩稿

颯颯天風吹嘯臺猗猗修竹入雲栽百門泉落層峯遠安樂窩臨獨客來洛下阜比分講席江南桑苧試茶杯冥心直會超然意阮籍何嘗是儁才

花朝雪集蘇米齋限雪字

御園僂直散海淀朋尊設已向作花朝且當賞春雪先飲于夢堂小墅重城鞭馬遲晚巷投君切何以近招邀于焉復羅列閨將三月埃嘿對百花說風淺差不寒雪輕頗相潔夜景接碧虛簷端罷飄瞥此時沙水閒遍有草芽茁

。次韻馮少司農舊養盆梅初花

不記唐花隔歲因未枯今是適然身也蒙水澤多加意纔及陽和自見真林外分明入窻月座閒老大出山人石臺風峭凌晨供博得誰來句更新



次韻馮少司農春雪

天知春閨尙多雪，人伴老梅方好顏。麥隴況催民氣樂，草堂翻肯酒尊慳。東風鄰巷白猶白，南淀水雲斑復斑。贏得鳳城傳句入，玉花不謂此翁寒。

送張太守鳳孫之任滇南

同徵好夜會三人，申光祿招同太守飲難得雙燈照百巡。白石青松商結夏，碧雞金馬又班春。詩歌早已通于政，禮教仍煩及我民。山色范村多老計，有漁航處可垂綸。

。清明後一日蔣少司農招集文肅公賜第北臺馮

少司農有望積水潭一帶柳色之作次其韻

似我何由鬢雪銷，看伊臨水又垂條。山光城上愁風雨，人影欄前泥官簫。高會也知三月僅，故情難忘十年饒。不須跨馬

穿陰去，更遣嘶風踢絮驕。

。飲馮少司農檀藥草堂前海棠下賦

丁子香中傍碧紗，川紅名好屬君家。非關老去耽于酒，直爲年來對此花。半樹夕陽憐不足，滿庭朝雨畫無加。相畱只合停歸騎，點與銀燈坐影斜。

沈太守維基寓居法源寺招看海棠飲其齋

官冷惟誇與寺鄰，君來也得及花辰。算將四紀曾同榜，話若三生豈後身。夢裏浙西山不斷，佛前薊北酒還頻。何妨白髮臙脂朶，朶朶相看插鬢新。

城南修禊詩二首

右安近可出綏轡，輪無馳我亦信。所如僕猶問，何之豈曰汎。流水祓除重，及茲煙坳被。宿雨村落明，芳蕤草橋瀉。萬泉上



下深于陂疏鑿蒙

帝力來觀方得知職閒性頗適歲登物各嬉因是向春風手  
寒莫誰貽

周甲已踰六閏三月四經載生康熙戊子九月是歲閏二月柳陰望南岸禊事在

西冷丙寅閏三月三日杭人邀集西湖效蘭亭體賦詩勿勿廿幾春閏三語復聆諸孫幼隨

侍成此兩鬢星小水碧多光遙山煖欲冥乃瞻翁家歸不使

越酒停時序皆足欣非徒忘其形好風一客醉雜坐羣公醒

曹少卿學閔招看法源寺海棠設齋晚過徐太守

良寮西寓居飲。

紅棠西寺好枝柯日日來看不厭多春色況于光祿最花陰

其奈太常何有情菩薩暫持戒落日接離仍唱歌匠匪如巢

問徐老頻年此地即行窩

奉題座主贈尚書鄒公為侍御夢臯山水小幅遺

墨

祝

釐赴闕乍踰冬八十七翁新病容歸好緩移春水舫夢長

俄破曉天鐘畫畱同姓臨分頃哭憶先師閒出蹤無錫山光

挈樽榼幾時淚灑墓門松

。同人法源寺分詠得海棠

花即扉頻叩春曾句幾傳佛香深與染人意老為顛碧蘚齊

鋪院高槐半暮煙如何禁愛惜落片到闌前

。靜宜園曉直飯于馮少司農山舍

沿山急雨天光澹策馬長風樹影疎瓊闥翠微人立迴綠垣

紅萼鳥飛初廊陰滴響寒生體磴道穿流溼在裾有頃巖凹

佛香一聯其費匠心妙在以淡筆出之

山莊詩固著不得臺閣氣亦作不得郊寒島瘦語此詩可謂清華



趨且散炊煙一縷問村居

送別嚴侍讀長明

閨春春駐又闌春踽踽憂歸問去津掌誥十年曾不達收書  
萬卷竟非貧心依屋角鍾山老手種墳頭柏樹新文會城南  
猶寡侶奈何先托寄將頻

質郡王畫綠牡丹并題陳秋曹朗持示屬次韻題

三十三天天蔚藍一枝初翦許人看郭崇矩嘗畫翦牡丹本來歐碧壓櫻

艷何似靛紅當峭寒西苑露光南苑露金鈎欄影玉鈎欄都

緣供作昇平曲於幅之上方竝得瞻諸皇子皇孫所題花外新絃不住彈

右安門外小圃偕程選部翁學使曹中允

歡言出西郭移日獨相違露晚蘭叢敗風池藕葉稀是情皆  
近幻何化不終歸柳上蟬初蛻催人著紵衣時余第五孫善初天甫踰旬

### 哭第五孫

十八回圓月天青月又斜玉環呼乳母便即返羊家善初天以四月廿三日

日明夕夢于其兄云去李家也

○ 蔣農部榮昌招入法源寺避暑設齋

雙樹畫生陰名流坐向深外閒河朔讌此味涅槃心老蘚穿  
牆水微颺下砌禽同龕彌勒可笑我已無今

○ 圖塞里學士野圃同程選部翁學使曹參議

又築平臺接小樓天青日極使銷憂開河乍下諸山水殖穀  
齊登兩岸秋蘚壁有題行且讀松醪能醉臥還酬轆轤汲井

添方沼難得蓮花已過頭

○ 為陳秋曹朗題其曾祖虞山逸叟澳湘江圖粉本

畫稿橫看丈二餘百年神物何蕭疎長沙城西雪後雪回雁



峯陰漁父漁老墨盡圖水經注寒林舊在虞山居爲告賢孫  
王繹語宣和似此也嘗儲

再哭善初

病多亦復起連番隔牖常時與笑喧仙李不知居某郡石麟  
須記是吾孫庸醫既誤難追咎老淚雖乾尙忍言歷夏盡秋  
詩思斷世閒安得少煩冤

內閣曉坐

簾靜初陽透爐温側坐深臣難浩然氣

上有一哉心

乾隆九年元氣四字額恭懸于堂

賜調和

擬票批紅掌參知鑷白臨被蒙

何以報豈敢戀華簪

甲午

奉題 質郡王畫卷

六十七歲

涼生風落石庭虛靜寄軒中滌硯初衆史俱來圖十二天機  
獨造致清疎早聞設有嘉賓醴比想藏多善本書老樹臨江  
遠山隔當年嬾瓚意何如

。小庭桃樹作花翁編修方綱朱編修筠曹贊善仁

虎程選部晉芳姚秋曹爵過飲翁編修有詩竝及

余正月以來爲丁辛老屋厚石齋編次遺集奉答

二首。

忽忽春正罷客杯家山人急訃音來從叔祖太傅公以正月七日薨于里第已教淚

眼兼旬溼何取花枝滿院開生理自尋還共對韶光相借亦

頻催榆錢柳絮城門外又見清明上塚回

桃樹出牆秋復春春風吹老種桃身孤燈幾夜看遺稿小縣

當年有俊人癡絕尙奢千古望落然誰了一生因神仙官府



文章伯爛醉花陰始是真

。劉文正公挽詞二首

第一首自叙始末後見後一首述公所自言而以下秋大者存五字括公生平行事筆大如椽此正運用結構之妙曹翁於此全未講求宜其見二支干便自為巧語以相詆難也

乙巳迴思切迢遙仰止崇南歸家太傅冬夜說明公教習王  
申見編摩丙戌充 本朝文獻續所考詎能同  
內閣纔趨直中堂數與言寧須到衣食頗已及兒孫一旦超  
然返千秋大者存哭私吾豈敢寂莫向乾坤

清明後四日蔣少司農招集北臺感懷劉文定公  
裘文達公。

依然隄樹遠臺新笑我臺端作酒人去歲簪裾儼分坐今朝  
心眼豈迷因黃梁孰後難重夢杜宇啼來又一春僂倖天公  
乞斜照有花枝處便鋪茵

翁編修方綱購得吳興施元之吳郡顧景蕃註東

坡先生詩宋槧本即宋中丞得之常熟毛氏者屬  
題二首

第五句稍平易 用杜詩卷長留天地間

嘉泰蘇詩缺未湮商邱補注刻重新頭銜在昔雖嘗轉元之子宿增注

而刻面目于今已不真天地閒元惜殘本慈仁寺復購良因  
王文簡每購書于慈仁寺攤 杜韓脫落由來事憑仗歐陽亦仗陳

借瓶還甌子與吾吾家敝簾不曾無攜將山谷任天社伴以  
荆公李雁湖斐几崢嶸三鼎足草堂磊落一書廚人閒若有  
斜川集更欲題詩相笑娛

草橋修禊詩十二首

此評擬錄入詩匯以待後人推說之

仍煩挈榼與提壺天又無風淨綠蕪敢道杖鄉行杖國今朝  
真箇短筇扶

新衣早起簇前除昨夜商量正不疎一輛諸孫難雜坐借車



先乞老尚書

無錫嵇先  
生借一車

相喚相磨各為春豐宜十里百花新老懷無藉今年甚也著  
工夫學晉人

迴塘上下引泉遙錫擔元君廟口簫新柳東西分岸種人來  
萬福寺前橋

拍岸春波撥刺開樹頭新雨故飛迴韶華本是昇平景魚鳥  
猶知繪畫來

嫩綠高圍午散陰中央蘇地直煙潯花師卻也堪人意敷席  
非遙煖酒深

朱竹君編修使村  
之種花者供左右

洛溪風光百福宜朝賢談論一村奇春陰且不匆匆雨好事  
多于恰恰時

披拂長條映照花諸郎列侍有諸家不辭岸幘天風起他日

憑將此會誇

右安門近藝香稠村不畱人客自遊但結玩芳亭子住可無  
鄰曲趙參謀

丁香院落酒重行磬折舟旋倚少卿晚雨儘停深巷騎翁家  
不負去年情

歸飲于曹慕  
堂太僕邸

城上西山笑客曾笑余禊飲太曹騰曹家酒似翁家醉明歲  
誰家賤更勝

有限春心不盡刪老顛何苦鬢雙斑文章華國須公等絳蠟  
分明四座閒

座有紀曉嵐陸耳山兩侍讀為四庫全書總纂翁覃溪朱竹君林子宜  
三編修姚姬川程魚門任子田三部曹周書倉進士皆四庫全書纂修

。曉入法源寺看海棠

高閣西頭行復行叢枝繁萼照檐明夜來蝴蝶尙畱夢院外  
鞭轡方轉聲何似錦官加漠漠祇愁天女竝盈盈青蕪一片

觀海棠詩作孰謂此老木石心腸



紅陰動老我猶難欠此情

徐太守良寓居法源寺西院五年昨扶病南歸今晨入寺海棠已謝復至其處感賦

歲歲看花愁不寤時時訪友病今歸安驅大路風鳴驛久住  
空房日隱扉素髮丹顏終再見江干海角孰相依紅棠滿地  
難輕踢老鶴投林只自飛

蘄石齋詩集卷第三十四



